

(من دل على خير فله مثل أجر فاعله)
«Hadith Sharif»

AFARTAN XADIIS

ترجمة الأربعين النووية
في الأحاديث الصحيحة النبوية

Allife: SH. MUXYEDIIN AL-NAAWAWI

Tarjume: SH. CABDIRAXMAAN XUSEEN

(من دل على خير فله مثل أجر فاعله)
«حديث شريف»

AFARTAN XADIIS

ترجمة الأربعين النووية
في الأحاديث الصحيحة النبوية

Allife: SH. MUXYEDIIN AL-NAAWAWI

Tarjume: SH. CABDIRAXMAAN XUSEEN

TUSMADA XADIISKA ARBICIIN AL-NAWAWI

1. Gogol dhig	1
2. Camalku waa Niyadda	2
3. Tiirarka Islaamka	6
4. Dhidibada Islaamka	10
5. Abuurista Aadamiga	11
6. Bidcada	13
7. Ka dheeraanshaha Shubhada	15
8. Xurmada Muslinka	19
9. Qofna laguma waajibyo wax ka badan awooddiisa	21
10. Wax la wada faray Nebiyada iyo Muslimiinta	23
11. Dhawrsoonaanta	24
12. Ha fara gelinin wax aadan ku shaqo lahayn	25
13. Kalgacaylka	27
14. Waxyaalahaha dhiigga Islaamka Banneeya	28
15. Anshaxa wanaagsan	29
16. Crada	31
17. Naxariista	32
18. La Dhaqanka dadka	33
19. Gargaarka Eebahay	35
20. Xishoodka	37
21. Qumanaanta	39
22. Wax Jannada lagu galو	40
23. Falka Khayrka	41
24. Reebidda dulmiga	44
25. Wardigu waa sadaqo	47
26. Xilka saaran xubnaha bulshada	49
27. Shakiga sidaad uga bixi lahayd	50
28. Dardaaran	54
29. Jidka Jannada loo maro	56
30. Xuduudda Eebahay	59

Waxaa ku deeqay kharashka daabacaadda Sama-fale Soomaallyeed oo door-biday Inaan magaclisa la faafin.

**Waxaan llaahay uga baryeynaa inuu ku nooleeyo sacaado if
lyo aakhriroba, kana waraablyo darka Rasuulka - S.C.W. - een dlb
looga oomeyn.**

31. Wax Ilaahay iyo dadkuba kugu jeclaadaan	61
32. Ma bannaana adyaddu	63
33. Asaaska doodaha	64
34. Reebidda Munkarka	65
35. Is-xaq dhawridda Xubnaha bulshada	67
36. Badbaadinta Bulshada	72
37. Deeqsimada Ilaahay	76
38. Qofka colaadiya Awliyada Ilaahay	78
39. Xaaladaha qofka aan loo qabanayn dambiga uu falo	81
40. Inaan la isku hilmaamin dunida	82
41. Hawo raaca	84

GOGOLDHIGGA DAABACAADDA 1aad

Wuxuu ku sheegay Mu'allifka kitaabkani Sheekh Nawaawi, gogoldhiggii ugu horreeyey inuu jiro Xadiis aan sugneyn oo leh : "Qofkii xafida 40 Xadiis, waxaa la soo bixinayaa Qiyaamaha isagoo shahiid ah oo shaafaaca qaadaya, waxaana lagu yiraahdaa; Jannada ka gal irridda aad doonto."

Marka culomo tobnaad dhan ayaa ururiyay afartameeyo xadiisyo, si ay dadka ugu fududaato inay xafid-aan, laakiin, waxay xuleen badankoodu xadiisyo hal mowduuc ka hadlaaya, qaar waxay ka allifeen xagga caqiidada, qaarna xagga jihaadka, qaarna xagga aad-aabta iyo arrimo kale oo fara badan.

Marka waxaan goostay inaan afartan xadiis uruuriyo anigoo ku dayanaya culuumadaas faraha badan oo arrimahaas oo dhan wada kobaya. Xadiis kasta oo ka mid ah kuwaan aan soo xulay waa saldhig weyn oo ka mid ah asaaska Diinta Islaamka, culumaduna ku tilmaameen inay murtida Islaamku ku dhan tahay ama Islaamka nuskii ama waaxdii.... waana xadiisyo dhammaan wada saxiix ah oo huban.

Sida dhabta ah arrimahaas Sheekhu ku tilmaamay Kitaabkan waa xaqiiqo dhab ah, waana arrimahaas waxa igu xambaaray inaan kitaabkan u soo tarjumo Af-Soomaaliga.

Waxaana la kulmay dhallinyaro badan oo Af-Soomaaliga si wacan u taqaanna, laakiin, Af-Carabigu ku culus yahay, isla markaana aad uga fiirsaday kitaabka ugu habboon ee fikrad run ah oo fudud ka siinaaya Diinta Islaamka ayaan ku qancay in kitaabkani kaalintaa buuxin karo, sababtoo ah wuxuu kulansaday axaadiis ka hadleysa arrimo badan oo qofka iyo bulshadaba si qoto

dheer u saameynesa sida axaadiista ka hadleysa tiirarka Islaamka, iimaanka iyo iksaanta - sida niyadda, daacadnimadimada, hagar la'aanta iyo inaan lagu labin camalka llaahay loola jeedo wax aan sharcigu farin. Axaadiis kale waxay ka hadleysaa waajibaadka qofka ka saaran bulshada uu ku dhex nool yahay, sidii uu u gudan lahaa waajibaadkaas iyo haddii uu guto abaalgudka uu leeyahay. Axaadiis kale waxay ka hadleysaa sida xiriirka bulshadu ku toosi lahaa, waxayna tilmaameysaa wixii bulshada isu soo dhaweyn lahaa ee ku xambaaraya xub-naha bulshada inay is-afgartaan oy wax wada qabsaad-an. Axaadiis kale waxay ka digeysaa waxyaalaha isku diraya dadka ee kala geynaya ama colaad iyo uurxumo isugu abuuraya iyo dhibaatada uga imanaysa kala tagga iyo is-khilaafka If iyo Aakhiraba. Waxaa jirta Axaadiis kale oo kala qeexeysa jidka toosan iyo kan qalloocan ama xaqa iyo baadilka, iyo qof kastaba abaalgudka uu helaayo hadba jidka uu raaco.

Waxaa jirta oo kale axaadiis ka hadleysa anshaxa iyo aadaabta fiican ee ku habboon ruuxa rumeysan Diinta Islaamka iyo sida uu ula dhaqmaayo dadka xiriirku dhexmarayo iyo arrimo kale oo ku baahsan oo lala kulmi doono marka la akhristo.

Sida dhabta ah waa kitaab istaahila in la xafidsiyo dhallinta soo koreysa, waxaanna filayaa qofkii si fiican u fahma inuu wax weyn ka tari doono dadnimadiisa aaya-tiinka noloshiisa inta uu jiro. Xagga tarjumadda waxaan isku dayay inaan Aad ugu soo dhoweeyo garaadka dhal-linyarada aan aqoon, qoto dheer u laheyn Diinta, waxaan ka dheeraaday masaa'ilka Culumadu isku khilaafaan.

Xagga sharaxa marka hore waxaan fasiray ereyada Rasuulka laga soo weriyey oon Af-Soomaali ku tarjumay. Kaddibna waxaan sharxay macnaha guud ee xadiiska loola jeedo, waxaan ugu dambeysiiyay faa'iidada xadiiska laga qaadan karo.

B A R A A R U J I N

Waxaan la kulmay tarjumadda xadiiska in ereyo badan oo ku jira xadiiska loo heyn ereyo Af-Soomaali ah, marka iyagii baan soomaaliyeeyey sida salaadda, iimaanka, sakada iwm. Sababtoo ah Soomaalidu arrima-haas macna kale uma taqaanno.

Ducada Nebiga ee ah nabadgelyo iyo naxariis, waxaan u soo qaatay xuruuftan kala go'an (s.c.w.).

Waxaan u mahad celinaya Cumar Maxamed oo kitaabkan qayb weyn ka qaatay garaacistiisa iyo habeyntiisa.

Muqdisho, 6/3/82 oo ku aadan 5/1402

Cabduraxmaan Xuseen Samatar

الحديث الاول الاخلاص

عن امير المؤمنين أبي حفص عمر بن الخطاب — رضى الله عنه — قال : سمعت رسول الله صلى الله عليه يقول : «انما الاعمال بالنيات وإنما لكل امرئ كل امرئ ما نوى ، فمن كانت هجرته الى الله ورسوله فهو هجرة الى الله ورسوله ، ومن كانت هجرته لدنيا يصيغها او امرأة ينكحها فهو هجرة الى ما هاجر اليه» . رواه امام الحدیثین : أبو عبد الله محمد ابن اسماعیل بن ابراهیم بن المغیرة بن بربة البخاری ، وأبو الحسین مسلم بن الحجاج بن مسلم القشیری النیسابوری فی صاحبیہ اللذین هم أصح الكتب المصنفة.

TARJUMADA XADIISKA KOWAAD

Waxaa laga wariyey Amiirkii Muu'miniinta Cumar Binu - Khaddaab - Allaha ka Raalli Noqdee: inuu yiri, waxaan ka maqlay Nebiga (s.c.w.) oo leh: "Camalku waa niyadda, qof kastaana wuxuu helaa niyaddiisa, marka qofkii u hijrooday llaahay dartii wuxuu ka helayaa ajar llaahay. Qofkii u hijrooda inuu adduunyo holo ama gabar uu rabo guurkeeda, isna waxaa lagu abaalmari-nayaan niyaddiisa oo llaahay ka sugi maayo abaalgud".

Waxaa weriyay Bukhaari iyo Muslim.

SHARAXA

Niyadda waxaa looga jeedaa marka qofku shaqa qabanayo, wuxuu ula jeedo ama u qasad leeyahay, marka niyaddu waa saldhigga camalka qofka muslimka ah, waana miisaanka camalka lagu qiyaaso, marka had-dii niyaddu saafi tahay oo Lillaahi lola jeedo camalkii waa ansaxay, haddiise wax kale lagu dheeho camalkii waa buray.

Falka niyadda loo shardiyaa waa camalfalka amarka ah sida salaadda, soonka, sekeda, samafalka iwm. laakiin, waxyaalaha la is-faray in laga dheeraado ama la xaaraantimeeyay niyadda uma baahna ee waa in laga reebtoonaado sida iska dhowridda dulmiga dadka iyo xoolahooda, iska dhaqidda najaasadda, ka dheeraans-haha sinaha, tuugada, dhaca iwm.

Hijradu waxay ahayd in markii gaaladu haysatay Maka laga tago oo lagu biiro xarunta Islaamka ee Medina, waxaa loola jeeday in qofku ka guuro meesha aannu ku haysan inuu ugu dhaqmo Diinta Islaamka si xurriyad ah.

FAA'IIDADA XADIISKA

Wuxuu noo faa'iideynayaa xadiiskani arrimaha soo socda :

1. Inaan camalku ansaxeyn niyad la'aan.
2. In qofka laga abaalmariyo niyaddiisa.
3. Camalka Eebbehay aqbalaya inuu yahay kan isaga dartii loo falay hagar la'aan.
4. Qofkii niyadda ku dara is tus-tus iyo khiyaamo ama shirki, waxaa buraya ajarkiisa oo llaahay waxba ka sugi maayo.

الحديث الثاني

قواعد الإسلام

عن عمر — رضى الله عنه — أيضا قال : بينما نحن جلوس عند رسول الله صلى الله عليه وسلم ذات يوم اذ طلع علينا رجل شديد بياض الثياب ، شديد سواد الشعر ، لا يرى عليه أثر السفر ولا يعرفه منا احد ، حتى جلس الى النبي صلى الله عليه وسلم فاسند ركبتيه الى ركبتيه ووضع كفيه على فخذيه وقال ،

يا محمد اخبرني عن الاسلام ؟ فقال رسول الله صلى الله عليه وسلم : الاسلام ، أن تشهد أن لا اله الا الله وأن محمد رسول الله وتقيم الصلاة ، وتوقي الزكاة ، وتصوم رمضان ، وتحجج البيت أن استطعت اليه سبيلا ، قال : صدقت ، فعجبنا له يسأله ويصدقه ، قال : فاخبرني عن الامان ؟ قال : أن تؤمن بالله وملائكته وكتبه ورسله واليوم الآخر ، وتومن بالقدر خيره وشره ، قال : صدقت ، قال : فاخبرني عن الاحسان ؟ قال : أن تعبد الله كأنك تراه ، فان لم تكن تراه فانه يراك قال : فاخبرني عن الساعة ؟ قال : ما المسؤول عنها باعلم من السائل ، قال : فاخبرني عن امارتها ؟ قال : أن تلد الامة ربها وأن ترى الحفاة العراة العالة رعاء الشاء ، يتطاولون في البنيان ، ثم انطلق ، فلبت مليا ، ثم قال يا عمر اتدرى من السائل ؟ قلت : الله ورسوله اعلم ، قال : فإنه جبريل اتاكم يعلمكم دينكم» رواه مسلم .

XADIISKA 2aad

TIIRARKA ISLAAMKA

Waxaa laga weriyey Cumar Binu Khaddaab - Eebbe ha ka raali noqdee - inuu yiri ; "Maalin maalmaha ka mid ah annagoo Nebiga la fadhina ayuu nagu soo baxay nin aad u dhar cad aadna u tima madow oo aanay ka muuqan astaan safar nin yaqaanna nagu jirin, ilaa uu Nebiga ag-fariistay, markaasuu jilbaha jilbaha u saaray, baabacooyinkiisana kor saaray bowdada Nebiga (s.c.w.) markaasuu ku yiri Maxamadow ii sheeg Islaamka, markaasuu Rasuulkii (s.c.w.) yiri, "Islaamku waa inaad qирto inaan ilaalaha xaqa ah ma ahee Ilaah kale jirin, Nebi Maxamed Rasuulkii Ilaahay yahay, inaad tukatid sallaadda, inaad bixisid sakada, inaad soontid bisha Ramadaan iyo inaad u xajidid

Beydka Ilaahay." Markaasuu yiri, run baad sheegtay, markaasaan la yaabnay ninka wax warsanaya ee haddana leh run baad sheegtay. Haddana wuxuu ku yiri, "ii sheeg iimaanka" markaasuu yiri: limaanku waa inaad rumeysid Ilaahay iyo Malaa'iktiisa, Kutubiisa, Rusushiisa, maalinta qiyaamaha iyo Qadarka Ilaahay shar iyo kheyrba". Wuxuu yiri run baad sheegtay. Wuxuu yiri, haddana ii sheeg ixsanka, wuxuu ku yiri, ixsanku waa inaad Ilaahay u caabudid sidii adigoo arkaaya, maxaa yeelay, haddii aadan arkeyn isagaa ku arkaya. Wuxuu yiri iiga warran saacadda markay dhaceysyo. Wuxuu yiri Nebiga (s.c.w.) kaagama war rooni. Wuxuu yiri iiga warran calaamadda lagu garto markay soo dhawaato wuxuu ku jawaabay: In addoontu dhasho sayidkeeda, in dadka kabaha la' ee qaawan ee saboolka ah, reer baadiyaha ah, ku tartamaan sara dhis. Markaasuu iska tegey. Markii Nebigii cabbaar aamusnaa ayuu yiri: Cumarow, ma garaneysay ninkii wax warsanayey markaasuu yiri Ilaahay iyo Rasuulkiiisaa og ? Wuxuu yiri Nebiga (s.c.w.) wuxuu ahaa Jibril oo idinku yimid inuu idin baro diintiinna.

Waxaa weriyay Muslim.

SHARAXA XADIISKA

Xadiiskani wuxuu koobay saldhigiyadii Diinta Islaamka oo ah tiirkanya Islaamka, tiirkanya iimaanka iyo daacadnimada. Marka irridda laga gelaya Diinta Islaamka waa inaad qирto ikhtiyaarkaada, in Ilaaha xaqa ah ma'ahee Ilaah kale jirin, in Nebi Maxamed Rasuulkii Ilaahay yahay, uguna soo dhiibay dadka iyo jinkaba Diinta Islaamka. Tiirkanya labaad ee Diintu waa salaadda, ninkii ka tagaana waa nin hal tiir ka haysta, diinta gurina hal tiir kuma dhismo.

Tiirkka 3aad waa in la bixiyo sakada, qofka qaba xoolo ay ka waajibtay. Tiirkka 4aad waa in la soomo bisha Ramadaan oo laga reebtoomo cuntada, cabidda iyo gal-mada u dhexeysa ragga iyo haweenka, laga bilaabo waaberiga ilaa qorrxadu ka dhacdo. Tiirkka 5aad waa inaad u Xajidid Beydka Ilaahay ee Maka ku yaalla, waxaana laga rabaa tiirkan qofka awoodda u leh. Marka tiir kasta oo ka mid ah Shantaa, wuxuu ku fadhiyaa saldhig weyn oo xididda furuuc badan, haddaad si faah-faahsan u rabiid, waxaad ka heli kartaa kutubaha fiqiga.

Tiirkaku iimaanku iyagu waa lix (6) oo kala ah, inaad rumeyso si dhab ah u ictiqaadiso jirista Ilaahay, inaad rumeyso jirista malaa'ikta oo ah khalqiga Ilaahay ka uumay nuur oo innaga duwan, inaad rumeyso in Ilaahay diimo soo dejiyay, laakiin, lagaama rabo tirada diimahaas iyo magacyadooda iyo meelaha ay ku soo degeen midna. (4) Inaad rumeysid in Ilaahay Nebiyo soo diray, laakiin, lagaama rabo tiradooda meelaha loo soo diray midna, waxaa kugu filan in Ilaahay Rasuul u soo diray ummaddiisa inaad rumeysid, (5) Inaad rumeysid maalinta xisaabta, inay jirto, maalin la xisaabi doono dadka waxay faleen dhimashada kaddib la soo saari doono lagana abaal marin doono waxay geysteen sam-an iyo xumaan. (6) Inaad rumeysid dhacdooyinka ka dhacaaya dunida inay yihii wax Ilaahay qaddaray shar iyo kheyra.

Tiirkaku iimaanku waa camal qalbiga ku xiran qofka iyo Ilaahay un baa og inuu run sheegayo iyo in kale, mana laha furuuc badan oo muuqaneysa sida tiirkaku Islaamka.

Arrinta 3aad ee saldhigga islaamka, waa iksaanka, waxaan dhihi karnaa waa dhuuxa islaamka. Haddii aanu geed dhuux laheynna isma taagi karo marka iksaanka

waxaa loola jeedaa in ay qofka dhab ka tahay rumeynta Diinta Islaamka waa inuu daacad iyo hagar la'aan ugu camalfalo sharciga Islaamka.

Waa inuu Eebbe u caabbudo sidii asagoo hor-taagan, maxaa yeelay, haddii aanu qofku arkeyn Ilaahay asagaa arkaaya.

Markii saldhigiyadii Islaamku dhammaadeen ayuu warsaday Jibriil Nebigii (s.c.w.) waqtiga qiyamuhu kacaayo, wuxuu ugu jawaabay: kaagama war rooni, sababtoo ah waa arrimaha cilmiigooda Ilaahay la keli noqday oo aanu u sheegin khalqigiisa, halkaa waxaan ka oganeynaa dadka isku shuqliya inay wax ka sheegaan cilmi-qeybka, sida kuwa dhaha dunidu waxay jireysaa 7.000 oo sano ama 4.000 iyo shey iyo iwm., iney sheeko baraley iyo gambada dumarka tahay. Wuxuu warsaday haddana Jibriil astaamaha lagu ogaado in Qiyaamuhu dhow yahay wuxuu sheegay Nebigu (s.c.w.) in astaamaha ay ka mid yihii: In addoontu sayidkeeda dhasho, waxay ku fasireen culamadu inay badan doonaan car-ruurta waalidkood ku caasi noqononaaya oon uaabbo yeeleyn xurmada, sharafta iyo xannaanada waalidku ka mudan yahay, carruurtooda ilaa ay ka gaaraan heer ay ula dhaqmaan hooyadooda sidii addoon ay leeyihii ama qof ciidan ah oo u shaqeeya. Waxaa ka mid ah calaamadaha saacadda in dadka reer baadiyaha ah ee cayrta ah ay qabsan doonaan magaalooyinka kuna tar-tami doonaan saraha dhaadheer isuguna faani doonaan.

FAA'IIDADA XADIISKA

1. Waxaa lagu koobay xadiiskan saldhigiyadii Diinta Islaamka.

2. Waxaa lagu sheegay in waqtiga Qiyaamuhu kici doono Ilaahay oo keliya og yahay, haddii cid loo sheegi lahaa waxaa loo sheegi lahaa **Malaku-Jibriil** iyo Nebi Maxamed (s.c.w.).
3. Qofka Muslimka ah waxaa ku habboon inuu ku dadaalo nadaafadda dharkiisa iyo heybaddiisa sida Jibriil u soo labbistay oo kale.

الحاديـث الثـالث

فـي دعائـم الإسـلام

عن أبي عبد الرحمن عبد الله بن عمر بن الخطاب – رضي الله عنه – قال : سمعت رسول الله صلى الله عليه وسلم يقول : (بني الإسلام على خمس : شهادة أن لا إله إلا الله ، وأن محمداً رسول الله ، واقام الصلاة وابتاء الزكوة ، وحج البيت - وصوم رمضان) رواه البخاري ومسلم .

XADIISKA 3aad

DHIDIIBBADA ISLAAMKA

Waxaa laga wariyey Cabdullaahi Bin-Cumar Bin Khaddaab-Allaha ka raalli noqdee - inuu yiri waxaan maqlay Nebiga (s.c.w.) oo leh: "Waxaa lagu dhisay Islaamka Shan dhidib oo kala ah (1) Qiridda in Eebbahay keligii yahay, Nebi Maxamedna Rasuulkii Ilaahay yahay, (2) Oogidda salaadda, (3) Bixinta Sakada, (4) Gudashada Xajka, (5) Soonka Bisha Ramadaan."

Waxaa weriyey Bukhaari iyo Muslim.

SH A R A X A

Xadiiskan wuxuu la mid yahay xadiiska labaad qaybta ku saabsan arkaanta Islaamka, marka shantaasi dhidib, waa shanta tiir ee qofka loogu aqoonsan karo inuu ka mid yahay bulshada Muslimka ah. Muslinnimada runta ahna waa hadba sida qofku ugu dhaqmo shantaa Diin Islaam iyo waxyaalaha la xiriira.

الحاديـث الـرابـع

احـوال اـلإنسـان

عن أبي عبد الرحمن عبد الله بن مسعود – رضي الله عنه – قال : حدثنا رسول الله وهو الصادق المصدوق : (إن أحدكم يجمع في بطنه أمهاربعين يوماً نطفة ، ثم يكون علقة مثل ذلك ، ثم يكون مضغة مثل ذلك ، ثم يرسل إليه الملك فينفع فيه الروح ويؤمر بأربع كلمات : يكتب رزقه وأجله وعمله وشقق أو سعيد ، فوالله الذي لا إله غيره أن أحدكم ليعمل بعمل أهل الجنة ما يكون بينه وبينها إلا ذراع ، فيسبق عليه الكتاب ، فيعمل بعمل أهل النار فيدخلها ، وإن أحدكم ليعمل بعمل أهل النار حتى ما يكون بينه وبينها إلا ذراع فيسبق عليه الكتاب فيعمل بعمل أهل الجنة فيدخلها ، رواه البخاري .

XADIISKA 4aad

ABUURISTAAADAMIGA

Wuxuu yiri Cabdullaahi Binu-Mascuud - Eebbe ha ka raalli noqdee, - Waxaa noo xadisay Rasuulkii Ilaahay (s.c.w.) isagoo ah runle la rumeyye : Qofka waxaa lagu uruuriyaa caloosha hooyadii isagoo candhuuf yar ah 40 maalmood intaa in la'egna, wuxuu ahaanayaa xinjir yar, intaa in la'egna wuxuu noqonayaa waslad yar oo hilib ah, markaasaa loo soo dirayaa malag wuxu ku afuufayaa

nafta waxaana la farayaan afar (4) eray oo kala ah : inuu qoro arsaqaadiisa, cimrigiisa, shaqadiisa iyo inuu yahay shaqaabada ama saciid. Waxaan ku dhaartay Ilaahii aan Ilaah kale jirin qofku, wuxuu falayaa camalka reer-jaannaadka ilaa uu u jiraado in xusul ah, markaas hadduu yahay qof loo qoray Naarta, wuxuu falayaa camalka reer naareedka, markaasuu gelayaa Naarta. Ama qofku wuxuu falayaa camalka reer naareedka ilaa uu u jirsado in xulul ah, marka hadduu ahay qof loo qoray Jannada wuxuu falayaa camalka reer Jannaadka markaasuu gelayaa Jannada.

Waxaa weriyay Bukhaari iyo Muslim.

SHARAXA

Xadiiskani wuxuu caddeynayaa heerarka kala duwan ee qofku marayo inta uu caloosha ku jiro, heerka ugu horreeya waa isagoo dhibic candhuufo ah ayuu gelayaa minka hooyada, muddo 120 beri ah ayey isu beddelaysaa cad yar oo hilib ah oo in mar la goosto la'eg. Marka ay 3 bilood u dhammaato ayaa laga abuurayaa nolosha adannimada iyo suuraddiisa, isla markaa Ilaahii aan cilmigiisu xuduudda laheyn oo og qofkaasi wuxuu ku kici doono shar iyo kheyr iyo wuxuu abaalmarin mudan doono, arrimahaasna waxaa fulinaya malaggii Eebbe u xilsaaray.

Waxaa kale oo xadiiskani na tusinayaa inaan Naarta iyo Jannada loo kala dhoweyn oo ay ku xiran tahay khaatuma kheyrka, waxaa la arkaa in qofku gaal yahay ama faasiq yahay, laakiin, marka geeridiisu soo dhowaato iska islaamo ama tooba keeno hadduu caasi yahay.

Haddaba waxaa ku habboon in qofku Ilaahay baryo, inuu khaatimadiisa kheyr ka dhigo.

FAA'IIDADA XADIISKA

1. Xaaladaha kala duwan oo qofku ku maraayo uurka hooyadii.
2. Ilaa 3 bilood laga gaaro inaan qofka lagu abuurin ruuxda aadannimada.
3. In ruuxd aadannimada iyo nolosha xayawaanka shahwadu kala duwan yihiin.
4. Kheyrka iyo shartu sidey isugu dhow yihiin.

الحديث الخامس

النبي عن البدع

عن أم المؤمنين عبد الله عائشة — رضي الله عنها قالت : قال رسول الله صلى الله عليه وسلم من احدث في امرنا هذا ما ليس منه فهو رد (رواه البخاري ومسلم ، وفي رواية المسلم (من عمل عملا ليس عليه أمرنا فهو رد) .

XADIISKA 5aad

BID CADA

Waxaa laga weriyay hooyadii Muuminiinta Caasha Binti Abii Bakar - Alla ha ka raalli noqdee inay tiri wuxuu yiri Rasuulkii Ilaahay (s.c.w.) "Qofkii amarkayagan ku soo dara waxa aan ka mid ahayn isagaa lagu celinayaa.

Waxaa Weriyay Bukhaari iyo Muslim.

Wuxuu Muslim gaar u weriyay : Ninkii ku camalfala wax aan la farin isagaa lagu celinayaa.

SHARAXA

Xadiiskani wuxuu caddeynayaa qofkii ka leexda Jidkii Eebbahay iyo Rasuulku jideeyeen inuu baadi

yahay. Xadiiskani waa udubbada ugu waaweyn ee Islaamka, wuxuu ka digayaa in Diinta lagu soo daro wax aan ka mid ahayn ama la beddelo ama la qalloociyo. Sababtoo ah Diinta Islaamku wey dhammeystiran tahay oo Ilaahay baa abyay, marka qofkii wax ku soo daraya wuxuu ka dhigan yahay qof leh anigaa Ilaahay ka aqoon badan oo waxaanu sheegin baan Diinta ku daraya. Waxyaalaha laga digaayo in diinta lagu soo dirriyo ma aha keliya cibaada ee waa farac kasta oo ka mid ah Diinta Islaamka sida macaamilaadka Nikaaxa, Usluubta, Anshaxa, Xiriirka Bulshada, xuquuqdooda iwm. Haddaba, qofka muslimka ah ee ku camalfala masalo aan sharciga ku dhisneyn abaalkiisu waa in camalkiisu buro oon laga ajar-siin, weliba waxaa la arkaa inuu ku dambaabo ama diintaba kaga-baxo falalka qaarkood.

Haddaba, waxaa waajib ku ah qof kasta oo muslim ah inuu hubsado in camalkiisu sharciga waafagsan yahay iyo in kale. Wawaanaa jira miisaan lagu qiyaaso camalka oo ah sida uu Nebigu (s.c.w.) iyo asxaabiisu ugu camalfali jireen mas'alada hortaalla, wawaad heleysaa jawaab saxiix ah oo laga soo weriyay Nebigii iyo Asxaabiisii. Haddaba, in laga digtoonaado bidcada iyo sheekada ku-tiri-ku-teenka ah ee loo ekeysiinayo diinta laguna khawiyeysiinayo dadka ma-kastada ah ama aqoonta gaaban xagga diinta.

FAA'IIDADA XADIISKA

1. Mas'ala kasta oon sharciga ku fadhin waa baadinnimo,;
2. In laga digtoonaado bidcada;
3. In qofku falkiisa ku miisaamo sharciga islaamka;

4. In la barto diinta si loo kala saaro bidcada iyo sunnada;
5. In diintu dadka ku filan tahay oo laga deeqtoon yahay bidcada.

الحديث السادس

ترك الشهابات

عن أبي عبدالله النعمان بن بشير – رضي الله عنها – قال : سمعت رسول الله صلى الله عليه وسلم يقول : (أن الحلال بين وأن الحرام بين ، وبينهما أمر مشتبهات لا يعلمن كثير من الناس ، فمن اتق الشهابات ، فقد استبر – لدينه وعرضه ، ومن وقع في الشهابات ، وقع في الحرام كالراعي يرعى حول الحمى يوشك أن يرتع فيه ، الآ وأن لكل ملك حمى ، الآ وأن حمى الله محارمه ، الآ وأن في الجسد مضغة اذا صلحت صلح الجسد كله ، وإذا فسدت فسد الجسد كله ، الآ وهي القلب .

XADIISKA 6aad

KA DHEERAANSHAHADH SHUBHADA

Waxaa laga weriyay Abii-Cabdullaahi Nucmaan Binu-Bashiir-Eebbe ha ka raalli noqdee - inuu yiri waxaan maqlay Rasuulkii Ilaahay (s.c.w.) oo leh "Xalaashu waa caddahay, xaaraantuna waa caddahay, waxaana jira arrimo murugsan oon xalaal iyo xaaraan midna ku caddeyn, dadka badankiisuna ka warqabin, marka ninka ka dhowrsada arrimahaa shakigu ku jiro waxaa u badbaaday diintiisa iyo sharafkiisa, ninkii arrimaha shakiga ku dhacaana waa nin ku dhacay xaaraan oo kale sidii nin xoolo u foofiyay meel seero agteed ah, waxaa looga baqaa in xooluhu seerahaa u dhacaan oo ay daaqaan. Hooyaay ! ogaada in Boqor kasta leeyahay seero ama xirmooyin seeraha Ilaahyna waa waxa uu xaaraantimeeyaya."

Hooyay ! ogaada in jirka ay ku jirto waslad hilib ah oo haddii ay hagaagto jirkoo dhan baa hagaagaya, had-dii ay xumaato jirkoo dhan baa xumaanaya. Ogaada taasi waa qalbiga.

Waxaa weriyay Bukhaari iyo Muslim.

SHARAXA

Xadiiskani waa saldhigga cilmiga fiqiga ee lagu qeexay xalaasha iyo xaaraanta, waxaanu xadiisku inoogu qaybiyyat waxyaalaha innaga hor imaanaya xaalo ama fal inaaney ka baxsaneyn saddex xaalo midkood.

1. Wax lagu caddeeyay xaaraannimadiisa.
2. Wawa la caddeeyay xalaalnimadiisa.
3. Wawa laga shakiyyat inuu xalaal yahay iyo inuu xaaraan yahay.

Marka labada hore muran kama joogo ku dhaqankooda, waxaase xadiisku tilmaamay wixii laga yeeli lahaa xaaladda saddexaad, waxaanu amray in laga dheeraado shubhada intii lagu dhici lahaa xaaraanta.

Wuxuu ku matalay shubhada nin xoolo u foofiyay beero soohdintood, wuxuu halis u yahay in xoolihiiisu beeraha u dhacaan oo ay daaqaan, halkaana waxa ka dhacaaya in ninkii beertiisa la daaqay dagaal ku qaado ninka xoolaha la jiray, marka si dagaalkaa looga nabagalo waa in xoolaha laga dheereeyo soohdinta beeraha. Haddaba, beerta llaahay waa wawa uu xaaraantinnimeeyay, ninkii beertaa u dhacaana waa inuu isu diyaariyo dagaalka llaahay.

Waxa kale oo xadiisku sheegay in qofka gudihiisa laga hoggaamiyo, haddii, qofka hoggaankiisa guduuhu

toosnaado qofkuna waa toosayaa, haddii hoggaanka guduuhu qalloocdo qofkuna waa qalloocanayaa, sidoo kale waxaa laga soo weriyay falsafayaqaannadii Giriig-gii hore. Insaanku waa xayawaan gudhiisa laga hoggaamiyo. Haddaba, hoggaanka guduuhu muxuu yahay; hoggaanka guduuhu waa Qalbiga. Marka waa inuu qofku ku dadaalo siduu qalbigiisa uga dhigi lahaa mid saafi ah oo toosan.

FAA'IIDADA XADIISKA

1. Kala soocidda xalaasha, xaaraanta iyo shubhada,
2. In shubhada laga dheeraado si looga nabagalo xaaraanta,
3. In qofku hagaajiyo qalbigiisa kana nadiifiyo xinka, xasadka, calool ku-haynta i.w.m.

الحادي السابع الصحيحة

عن أبي رقية تميم بن أوس الداري — رضي الله عنه — أن النبي صلى الله عليه وسلم قال : (الدين النصيحة ، قلنا : من ؟ قال : الله ولكتابه ولرسوله ولائمة المسلمين وعامتهم ، رواه مسلم .

XADIISKA 7aad

Waxaa laga weriyay Abii-Ruqiya Tamiim Binu-Aws Al-Daari, Allaha ha ka raalli noqdee, in Nebigu yiri (s.c.w.) "Diinku waa waano, waxaannu niri «ayuu u yahay?. Wuxuu yiri» wuxuu u yahay llaahay Kitaabkiisa, Rasuulkiisa, madaxda muslimiinta iyo dadweynaha."

Waxaa weriyay Muslim.

SARAXA

Xadiiskani wuxuu ka hadlayaa qiimaha weyn ee waanadu ku leedahay Diinta Islaamka, Diintu waxay waano u tahay Ilaahay waxaa looga jeedaa : In la aqbalo waanadiisa uu dadka ugu yeeray, in la rumeeyo keli ahaantiisa, in lagu sheego keli ah wuxuu isagu isku tilmaamay, lagalana haro shirkiga ama wadaajinta cibaadada, xaqa Ilahayna aan cid kale la siinin, nicmadduu kuugu deeqay aan cid kale loo tiirin. Wuxuu diinku waana u yahay Kitaabka Ilaahay: in la rumeeyo inuu yahay kitaab ka soo degay xagga Ilaahay, kaddibna la xurmeeyo laguna camal falo. Wuxuu diinku waano ugu yahay Nebiga (s.c.w.) in la rumeeyo inuu yahay Rasuulkii Ilaahay u soo diray dadka lana rumeeyo wuxuu sheego oo dhan, lana raaco awaamiirta uu faro, lagana dheeraado wuxuu reebo.

Madaxda Muslimka wuxuu diinku waano ugu yahay waa in xaqa loogu gargaaro wixii gefef ah ama qallooc ah lagu baraarujiyo amarrada ay soo saaraan ee ay dadka ugu daneynayaan in la fuliyo inaan loo baarin ceebo, inaan laga faafin dacaayad dadka naciisa iyo in lagu gacansiiyo mashaariicda lagu hormarinaayo danaha ummadda iyo inaan ammaan been-been ah iyo munaafaqnimo lala hoos roorin.

Dadweynaha wuxuu waano ugu yahay in lagu hanuuniyo xaqa, in wax la baro, kuwa qalloocan, in looga digo xumaanta kuwa jaahilka ah wax la baro iwm. Marka diinkuba wuxuu ku hirgeli karo waa waano iyo wax isu sheeg.

FAA'IIDADA XADIISKA

1. Wuxuu na tusayaa in waanadu qiimo weyn ku leedahay Diinta Islaamka,

2. Waana Ilaahay waa in la aqbalo wuxuu ummad-diisa ku waaniyay,
3. Waanada Rasuulka waa in la rumeeyo lana raaco jidka uu inoo jideeyay,
4. Waanada kitaabka waa in lagu camalfalo,
5. Waanada Madaxda waa in lagu caawiyo fulinta xaqa,
6. Waanada dadweynaha waa in la hanuuniyaa.

الحديث الثامن

حرمة المسلم

عن ابن عمر - رضي الله عنها أن رسول الله صلى الله عليه وسلم قال :
(أمرت أن أقاتل الناس حتى يشهدوا أن لا إله إلا الله وأن محمداً رسول الله ، ويقيموا الصلاة ويفتوحوا الزكوة فإذا فعلوا ذلك عصموها من دماءهم وأموالهم إلا بحق الإسلام وحسابهم على الله تعالى ، رواه البخاري ومسلم .

XADIISKA 8aad

XURMADA MUSLINKA

Waxaa laga weriyay Cabdullaahi Binu-Cumar - Allaah ka raalli noqdee - inuu yiri Nebigu (s.c.w.), "Waxaa lay amray inaan dadka la jihaado ilaa ay ka qiraan waaxidnimada Ilaahay iyo Nebinnimada Rasuulka Ilaahay, salaadda tukadaan, sakadana bixiyaan. Haddii ay sidaa yeelaan waxaa iga badbaadaya dhiiggooda, iyo maalkooda wixii aan ka aheyn xaqa Islaamka, wixii intaa ka dheeraada Ilaahay baa ka xisaabaya".

SHARAXA

Xadiiskani wuxuu inoo sheegay Saldhigaya Islaamka ugu waaweyn oo qofkii diida lala jihaadayo dhiiggiisa iyo maalkiisa inay xalaal yihiin. Imaamka Muslimiinta, ninkii intaa laga helo waa xaaraan in dhiiggiisa la daadiyo iyo in xoolahiisa la dhaco. Xaqa islaamka waxaa looga jeedaa ku dhaqanka xeerka islaamka, sida bixinta xuquuqda lagu yeesho xoolahiisa iyo naftiisa, ka dheeraanshaha dembiyada waaweyn iyo guud ahaan dhowridda sharciga. Qofka sidaa muuqata ugu dhaqma diinta islaamka haddii si hoos ahaan ah uu ku koco waxyaalaha ku reeban diinta, Ilaahay baa la xisaabtami doona, innagu waxaan kula dhaqmeynaa sida inooga muuqata, haddiise uu muujiyo Islaannimo hoosna ku qarsado gaalnimo ama munaafaqnimo, innagu shaqo kuma lihin, waxa u qarsoon wuxaan ula dhaqmeynaa muslinnimo toosan.

FAA'IIDADA XADIISKA

1. In lala jihaado Cadowga Islaamka, ilaa ay ka islaamaan, ama ay cahdi la galaan imaamka muslimka;
2. Ninka inkira salaadda ama diida sakada wuxuu la mid yahay gaalada cadawga u ah islaamka;
3. In qofka muslimka dhiiggiisa iyo maalkiisaba ay xaaraan yihiin in lagu xadgudbo;
4. Dhiigga muslimka in la daadiyaa waa xaaraan, xoolihiisa in la dhacaa waa xaaraan;
5. Qofka Islaannimada muujinaaya waa laga aqbalayaa wixii u qarsoon Ilaahay baa loo tala saaranayaa.

الحادي عشر

لا تكليف الا بقدر الاستطاعة

عن أبي هريرة عبد الرحمن بن صخر - رضى الله عنه - قال : سمعت رسول الله صلى الله عليه وسلم يقول : (ما نهيتكم عنه فاجتنبوه ، وما أمرتكم به فأتوا منه ما استطعتم ، فاما اهلك الذين من قبلكم كثرة مسائتهم و اختلافهم على انبائهم) رواه البخاري ومسلم .

XADIISKA 9aad

QOFKA LAGUMA WAAJIBYO WAX KA SARREYYA AWOODDIISA

Waxaa laga weriyay Abii-Hureyra Cabdiraxmaan Binu-Sakhar - Allaha ha ka raalli noqdee inuu yiri waxaan ka maqlay Rasuulka Ilaahay (s.c.w.) oo leh : "Waxaan idinka reebo ka dheeraada, waxaan idin faray la imaada inta awooddiinnu gaadho, waxa halaagay dadkii idinka horreeyay su'aal badnaan iyo khilaafkii Nebiyadooda."

Waxaa weriyay Bukhaari iyo Muslim.

SHARAXA

Xadiiskani wuxuu ugu yeeraya Muslimiinta in ay Nebiga raacaan, waxaana saldhig u ah raacidda Nebiga (s.c.w.) ka dheeraashaha wuxuu reebay, taasoo aan ku xirneyn awood, maxaa yeelay, iska dhowridda waxyaalaha xaaraanta ah kuma xirna awood ee waa wax qof kastaba ka suuroobi kara, waxaan ka ahayn xaaladaha khatarta ah ee bakhtigu bannaanaado.

Laakiin, wixii Nebigu faray iyagu waxay ku xiran yihiin in qofku awoodi karo, sababtoo ah wixii ka baxsan awoodda qofka loo qaban maayo, waxaase waajib ah wixii awooddiisa inuu daacad iyo hagar la'aan u fuliyo.

Waxaa kale ee Nebigu (s.c.w.) nooga warramay in ummadiihii hore qaar ka mid ah lagu rogay su'aal badnaa iyo inay khilaafi jireen waxay faraan Nebiyadoodu, su'aasha badan waxaa loola jeedaa su'aalaha looga dan leeyahay xujada iyo caragsiga ee ma aha in qofku war-sado waxyaalaha uu jaahilka ka yahay haddi uu doon-ayo kaliya aqoon kororsi iyo ku dhaqan.

FAA'IIDADA XADIISKA

1. Wixii Nebiga (s.c.w.) reebay in laga dheeraado,
2. Wixii Nebiga faray in la falo inta awooddu ku gaarsiiso,
3. Su'aalaha aan loo baahneyn inaan culimada loo jeedin,
4. Qofka inaan lagu kallifin waxa aanu awoodi karin,
5. Inay waajib tahay raacidda jidka Nebiga.

الحديث العاشر

أكل الحلال

عن أبي هريرة - رضي الله عنه قال : قال رسول الله صلى الله عليه وسلم : أن الله تعالى طيب لا يقبل الا طيبا ، وأن الله أمر المؤمنين بما أمر المرسلين ، فقال تعالى (يا أيها الرسول كلوا من الطيبات وأعملوا عمل صالحـا) . وقال تعالى : يا أيها الذين آمنوا كلوا من طيبات ما رزقناكم ثم ذكر الرجل يطيل السفر أشعث أغبر يمد يديه الى السماء ، يا رب .. يا رب ومطعمه حرام ومشربه حرام وملبسه حرام وغذى بالحرام ، فاني يستجاب له ؟ رواه مسلم .

XADIISKA 10aad

WAX LA WADA FARAY NEBIYADA IYO MUSLIMIINTA

Waxaa laga weriyay Abii-Hureyra - Allaha ha ka raalli noqdee - inuu yiri, Rasuulkii Ilaahay wuxuu yiri : "Ilaahay waa wanaagsan yahay mana aqbalo wax aan wanaagsaneyn, Ilaahayna wuxuu faray muu'miniinta, wuxuu faray Rususha sida uu ku sheegay ayaad dhe-heysa - Rusuleey cunno fiican cuna camal fiicanna fala, iyo aayad dheheysa: Muu'miniineey cuna waxa fiican ee aan idinku arsaaqay." Markaasuu xusay nin meel dheer u socoteeyey oo timihii basaaseen, kubabka boor ku leh, oo gacmaha kor u taagaya, isagoo Ilaahay bary-aaya oo leh Rabigeyow, rabigeeyow, isla markaana cuntadiisa xaaraan tahay, cabiddisu xaaraan tahay, dharkiisu xaaraan yahay, xaaraan la soo qoodiyay-sidee looga aqbalayaa ducadiisa. ?

Waxaa weriyay Muslim.

SHARAXA

Xadiiskani wuxuu ka mid yahay xadiisyada qiimaha weyn ku leh fiqiga Islaamka, wuxuu na tusayaa in qofkii wax wanaagsan aan sadaqeysan laga aqbaleynin wax aan wanaagsaneyn ha noqdo xoolo cunto, dhar iwm. Waxa aanu isaga naftiisa u qaadaneynin yaanu sada-qada ula bixin.

Aayad qor'aan ah waxay sheegtay : "Inaan qofku wanaag heleynin ilaa uu bixiyo waxa uu naftiisa u jecel yahay. Xagga falka camal aan wanaagsaneyn Ilaahay ma aqbalaayo sida camalka looga jeedo ha lagaa sheego ama ha lagugu ammaano ama aad xoolo ku heshid ama camal shirki ku dheehan yahay ama aan sharcigaba ku dhisneyn.

Xadiiskani wuxuu sheegay in Rususha iyo Muu'miniinta ay u gudboon yihiiin xalaal miiradnimada. Waxana la faray labadoodaba inay wax wanaagsan cun-aan. Camal wanaagsan falaan, cuntada wanaagsan waa midaa xalaasha ah camalka wanaagsan waa midka ka fayoow shirkiga ee waafagsan sharciga. Wuxa kale ee xadiiskan inoo sheegayaa in ku dhaqanka waxyaalahaa xaaaraanta ah ay qofka ka fogeyneyso naxariista Eebbahay, maxaa yeelay, qofkii socotada ahaa ee safarku tabaaleeyay wuxuu mudan yahay naxariis, haddiise uu yahay xaaraan-quute xaq uma laha in la aqbalo ducadisa ilaa uu ka toobad keeno uu Ilaahay u noqdo.

FAA'IIDADA XADIISKA

1. Inaan Ilaahay aqbaleynin camal-xun,
2. In qofku sadaqaysto wax wanaagsan ee uu jecel yahay,
3. In ku dhaqanka xaaraanta qofka ka fogeynayo Ilaahay.

الحديث الحادى عشر

السورة

عن أبي محمد الحسن بن علي بن أبي طالب ، سبط رسول الله صلى الله عليه وسلم وريحانته — رضي الله عنها — قال : حفظت من رسول الله صلى الله عليه وسلم : (دع ما يريبك الى مالا يريبك) رواه الترمذى والنمسائى ، وقال الترمذى : حديث حسن صحيح .

XADIISKA 11aad

DHOWR - SOONAANTA

Waxaa laga weriyay Abii-Maxamed Al-Xasan Binu-Cali Binu-Abii-Daalib - Allaha ka raalli noqdee - inuu yiri

waxaan ka xafiday Rasuulkii Ilaahay (s.c.w.) : "Dhaaf wixii shaki ku geliya oo aad wax cad ee aan shaki ku jirin."

Waxaa weriyay Tirmadi iyo Nasai waxaana yiri Tirmidi, waa xadiis Xasan oo saxiix ah.

S H A R A X A

Xadiiskani waa saldhig adag oo qofka muslimka ah cuskan karo markay ka hor yimaadaan arrimo murugsan ama shubho ku jirto oon xalaal iyo xaaraan midna lagu caddeyn ama camal lagu muransan yahay inuu sharciga waafagsan yahay iyo in kale. Haddaba, marka arrintaasi kula soo gudboonaado wuxuu ku farayaan xadiiskan inaad isla dhaaftid wixii shaki kaa galoo kuna dhaqantid waxa aad hubto inuu xaq yahay.

FAA'IIDADA XADIISKA

1. In qofku ku dhiso camalka uu Ilaahay ugu dha-waanayo wax uu hubo,
2. Inaanan qofku isku haleyn wax shaki ku jiro,
3. Ka dheeraanshaha shubhada iyo shakiga.

ال الحديث الثاني عشر

لا تتدخل فيما لا يعنيك

عن أبي هريرة — رضي الله عنه — قال : قال رسول الله صلى الله عليه وسلم : من حسن اسلام المرء تركه ما لا يعنيه) حديث حسن رواه الترمذى وغيره هكذا .

XADIISKA 12aad

HA FARAY GELIN WAXAADAN KU SHAQA LAHAYN

Waxaa laga weriyay Abii Hureeyra inuu yiri Rasuul-

kii Ilaahay wuxuu yiri : "Qofka Islaam wanaaggiisu waa inaanu faraha la gelin arrimo aanu shaqa ku laheyn."

Waa xadiis Xasan ah - Waxaa weriyay Tirmidi iyo kuwa kale

S H A R A X A

Xadiiskani waa edbinta nafta iyo la xisaabtankeeda, sababtoo ah waxaa dhab ah in dadku u badan yahay iney waqtigooda qaaliga ah badankiisa ku tabiyaan wax aaney waxba ugu jirin, marka waa in qofku miisaamo falkiisa iyo hadalkiisa waa inuu ogaado sidey arrimuhu xiriir ula leeyihii noloshiisa, kaddib wixii wax u taraya adduunkiisa ama aakhiradiisa uu ku dhaqaaqo wixii aan waxba faa'iido u laheyna waa inuu ka gaabsado, waa in aanu faraha la gelin arrimaha dadka kale khuseeya ee u gaarka ah.

FAA'IIDADA XADIISKA

1. In qofku ilaaliyo ficiikiiisa iyo hadalkiisa kuna abbaaro meel ku habboon,
2. Inaan faraha lala gelin arrimo aaney waxba uga shan iyo tobantahay,
3. Inuu qofku u jeediyoo awooddiisa wax isaga anfacaaya ama dadka kale wax u taraaya.

الحديث الثالث عشر

المخطبة

عن أبي حزنة أنس بن مالك — رضي الله عنه — خادم رسول الله صلى الله عليه وسلم عن النبي (ص) قال (لا يؤمن أحدكم حتى يحب لأخيه ما يحب لنفسه) رواه البخاري ومسلم .

XADIISKA 13aad

K A L G A C E Y L K A

Waxaa laga weriyay Abii Xamsa Aanis Binu Maalik - Allaah ka raalli noqdee - oo ahaa adeegihii Rasuulka (s.c.w.) inuu ka weriyay Nebiga inuu yiri : "Qofka iimaan-kiisu dhab ma noqdo ilaa uu la jeclaado walaalkii waxa uu naftiisa la jecelyahay."

Waxaa weriyay Bukhaari iyo Muslim.

S H A R A X A

Xadiiskani wuxuu ka hadlayaa qiimaha weyn ee jaceylka ku leeyahay bulshada Muslimka ah. Sida runta jaceylku waa saldhigga iskaashiga iyo xasilloonaanta bulshada laga bilaabo qoyska ilaa heerka dowladnimada, waa mabda'a insaani ah, marka la yaab ma laha haddii Nebigeennu (s.c.w.) ku xiray iimaanka qofka inuu walaalihii la jeclaado waxa uu naftiisa u doonaayo, taasoo ah inaanu qofku xaasid ku noqon dadka walaalihii, uusan ka xumaanin ama ku nicin haddii ay qof walaalkii ah wax u kordhaan.

Isla markaa wuxuu xadiisku ina tusinayaa inaan qofku u qaadin walaalihii xumaato aanu naftiisa uga raalli aheyn. Mar haddii ay dadku is-jeclaadaan wey isku kalsoonaan karaan marka waxa halkaa ka dhalanaya iskaashi, wada-shaqeyn iyo wax wadaqabsi.

"Tusaale ahaan" waxaad la jeceshahay naftaada caafimaad, maal badan, magac iyo sharaf, sidoo kale la jeclaw dadka walaalahaa ah waxyaalahaas oo dhan.

FAA'IIDADA XADIISKA

1. Ka dheeraanshaha xaasidnimada iyo xumaanta qalbiga lagu hayo,

2. In qofka iimaankiisa ku xiran yahay waxa uu walaalihiisa muslinka ah qalbiga ugu hayo,
3. Inuu ka dhowro qofka wixii aanu naftiisa u quureyn,
4. Inuu ku dadaalo waxyaalahu u soo jiidaaya jeceylka walaalihi kana dheeraado wixii naceyb iyo colaad uga abuuraya qalbiga.

الحديث الرابع عشر

مقى يهدى دم المسلم

عن أبي مسعود (١) - رضي الله تعالى عنه - قال : قال رسول الله صلى الله عليه وسلم : لا يحل دم امرئ مسلم الا باحدى ثلات : الشيب الزاني ، والنفس بالنفس ، والتارك لدينه المفارق للجماعة) رواه البخاري ومسلم .

XADIISKA 14aad

WAXYAALAHU DHIIGGA ISLAAMKA BANNEYNAYA

Waxaa laga weriyay Ibnu Mascuud - Allaha ka raalli noqdee-inuu yiri Rasuulka Ilaahay (s.c.w.) wuxuu yiri: "Qof muslim ah ma bannaana in dhiiggiisa la daadiyo haddaan saddex midkood ku kicin, 1) Qofkii isagoo reer leh sineysta, 2) Kii qof muslim ah dila, 3) Qofka diinta ka baxa ee jamaca muslinka ka faquuqma."

Waxa weriyay Bukhaari iyo Muslim.

S H A R A X A

Xadiiskani wuxuu caddeynayaa halka islaamku ka taagan yahay dembiyada foosha xun, maxaa yeelay, dhiigga islaamku aad buu qaali u yahay mana oggola islaamku in dhayal lagu daadiyo, marka waxaa loo ban-

neeyay dhiigga qofka dembiyada midkood falay waa iney yihiin dembiyo halis ah oo halbowlaha goynaya xasilloonaanta iyo nabadgelyada bulshada muslimka ah ee ku dhisan isku kalsoonaanta iyo iskaashiga.

FAA'IIDADA XADIISKA

1. In seddexdaa dembi ee dhiigga muslimka xalaaleynaya yihiin keli ah sinada uu falo qofka reerka yeeshay iyo qofkii dilay ruux muslim ah iyo qofkii ridoobay;
2. Sida islaamku u ilaaliyo nasabka iyo sharafta qofka muslimka ah;
3. Ilaalinta nabadgelyada iyo wixii bulshada qas gelinaya.

الحديث الخامس عشر

آداب عالية

عن أبي هريرة - رضي الله عنه - أن رسول الله صلى الله عليه وسلم قال : (من كان يؤمن بالله واليوم الآخر فليقل خيراً أو ليصمت ، ومن كان مؤمناً بالله واليوم الآخر فليكرم جاره ومن كان يؤمن بالله واليوم الآخر فليكرم ضيفه ، رواه البخاري ومسلم .

XADIISKA 15aad

ANSHAXA WANAAGSAN

Waxaa laga weriyay Abii Hureeyra - Allaha ka raalli noqdee - inuu yiri Rasuulkii Ilaahay (s.c.w.) wuxuu yiri: "Qofkii rumeeyaya Ilaahay iyo qiyaamaha ha ku hadlo kheyr ama ha iska aamuso, qofkii Ilaahay iyo qiyaamaha rumeeyay ha xurmeeyo deriskiisa, qofkii Ilaahay iyo Qiyaamaha rumeeyay ha soo dhoweeyo martidiisa."

Waxa weriyay Bukhaari iyo Muslim.

SHARAXA

Xadiiskani wuxuu ina barayaa dhaqanka wanaagsan ee ku habboon sharafta qofka muslimka ah, hadalku waa qalabka kowaad ee dadka kuu soo dhoweynaaya ama kaa fogeynaaya, marka qofku waa inuu ku fakiro waxa uu ku hadlaayo inta hadalka ku jiro afkiisa marka haddii uu rabo inuu hadlo wax kheyrlleh oo waxtar leh ha ku hadlo, haddiise uu yahay mid shar ah oo dhibaato u soo jiidaaya qofka naftiisa amase cid kalaba waa inuu iska aamusaa.

Xagga jaarka qofka iimaanka leh waa inuu dhowro xuquuqda olloggiisa oo ah inuu ciso sharaf iyo is xurmeyn iyo is xaqq dhawr kula dhaqmo. Sidoo kale qofka iimaanka leh waa qofka martidiisa soo dhoweeya oo soora, maxaa yeelay, qofka martida ah waa qof tabaaleysan oo ka fog gurigiisii marka wuxuu u baahan yahay gargaar iyo hanuunin waxa uu rabo iyo soo dhoweyn xagga hoyga iyo hungurigaba.

FAA'IIDADA XADIISKA

1. In qofku fikiro intuuna hadlin,
2. Inuu kheyr ku hadlo sharkana ka af-haysto,
3. Inuu dhowro xuquuqda jaarka,
4. In la sooro martida.

الحديث السادس عشر

الغضب

عن أبي هريرة — رضي الله عنه : — (أن رجلاً قال للنبي صلى الله عليه وسلم : أوصني ، قال : لا تغضب ، فرددَ مراراً ، قال : لا تغضب) رواه البخاري ومسلم .

XADIISKA 16aad

CARADA

Waxaa laga weriyay Abii Hureyra - Allaha ka raalli noqdee - in nin u yimid Nebiga (s.c.w.) kuna yiri ii darraaran markaasuu Nebigu yiri : "Ha caroonin. Markaasuu ku cel celiyay erayga ha caroonin."

Waxaa weriyay Bukhaari.

SHARAXA

Caradu waxay ka mid tahay jirrooyinka xun xun ee qofka jarka ka tuura, dembiyo waaweyna u soo jiida, lamana celin karo carada oo waa wax ku abuuran qofka oo marka lagula kaco wax aanu raalli ka aheyn dhiiggiisa dhaqaajiya, marka Nebigu wuxuu ugu yeerayaa muslimiinta iney is celiyaan intey caro burburayaan, waa inaan qofku u hoggaansamin waxay caradu u yeereyso, xadiis kale wuxuu Nebigu ku waaniyay qofka caradu qaadqaadeyso inuu weysa qaato ama xaalka uu ahaa beddeelo oo hadduu taagnaa fariisto hadduu fadhiiyay jiifsado... Marka xadiiskani wuxuu kuugu yeerayaa inaan caradu xadka kaa saarin.

FAA'IIDADA XADIISKA

1. Waa inuu xusuusto qofku waxa ka dhalanaya carada,
2. Waa inuu qofku is-celiyo haddii uu caroodo, oo wax kale ku caro burburo,
3. Inuu ka dheeraado inuu qaado tillaabo ama go'aan isagoo careysan, maxaa yeelay, wuxuu ka shalayn doonaa markay caradu ka baxdo.

الحاديـث السـابع عـشر

الاـحسـان

عن أبي يعلى شداد بن أوس – رضى الله عنه – عن رسول الله صلى الله عليه وسلم قال : (أن الله كتب الاحسان على كل شيء فإذا قتلتم فاحسنو القتلة ، وإذا ذبحتم فاحسنو الذبحة ، وليحد أحدكم شفرته ، وليرح ذبيحته) . رواه مسلم .

XADIISKA 17aad

NAXARIIS

Waxaa laga weriyay Abii Yaclaa Shiddaad Binu Aus - Allaah ka raalli noqdee - inuu yiri Rasuulkii Ilaahay (s.c.w.) "Wax walba wixa Ilaahay u waajibiyay samafal, haddii aad wax dileysaan si wanaagsan wax u dila oo ha ku silcinina neefta wixa la dilaayo, haddii aad wax gowraceysaan si wanaagsan u gowraca, qofka wax gowracaya waa inuu middida soofeyyo uu neefka u raaxeeeyo."

Waxaa weriyay Muslim.

S H A R A X A

Wuxuu ka hadlayaa xadiiskani sida islaamku naxariista ugu dadaalayo, maxaa yeelay, qofkii mutesyay in la dilo waa in islaannimada loogu naxariisto oon nafta lagu silcin, marka waa in qalabka lagu dilayo yahay mid dhaqso nafta uga qabanaya, Naxariistaasi kuma koobna dadka ee waxaa loo naxariisanayaa xoolaha iyagana waa in loo fududeeyo oo lagu gowraco middi aad u afweyn oo markiiba u raaxeysa.

FAA'IIDADA XADIISKA

1. Qiimaha naxariistu ku leedahay Diinta Islaamka,
2. Qofka la cqaabaayo waa inaan si xun oo silac ah loo cqaabin,
3. In xoolaha loo naxariisto,
4. Marba haddii loo iksaan falaayo qofka nafta laga qabanaayo marka kan noolna waa in loo iksaan falo oo laga dhowro dhibka, cadaadinta, qallooca iyo dulmiga.

الحاديـث الثـامن عـشر

آدـاب اـسـلامـيـة

عن أبي ذر جندب بن جنادة وأبي عبد الرحمن معاذ بن جبل – رضى الله عنها – عن رسول الله صلى الله عليه وسلم قال : (آتى الله حثياً كنت واتبع المسيرة الحسنة تمحها ، وخلق الناس بخلق حسن) . رواه الترمذى وقال : حديث حسن ، وفي بعض النسخ : حسن صحيح .

XADIISKA 18aad

LA DHAQANKA DADKA

Waxaa laga weriyay Abii Jundub Binu Junaada - Waa Abii Cabdiraxmaan Macaad Binu Jabal - Allaah ka raalli noqdee iney ka weriyeen Rasuulkii Ilaahay (s.c.w.) inuu yir: "Eebbe ka cabso, meel kasta oo aad joogtid, xumaantana raaci samaan tirtirta, dadkana dabeecad fiican kula dhaqan."

Waxaa weriyay Tirmidi.
Wuxuuna yiri waa xadiis Xasan ah.

SHARAXA

Xadiiskani wuxuu ka hadlayaa anshaxa qofka muslin ah xagga Ilaahay iyo xagga aadamigaba, xagga Ilaahay waa inuu iska dhowro meel kasta oo uu joogo ku xad-gudubka sharciga iyo xuduuda Ilaahay, haddii uu xumaan sameeyo uu ku xa-dgudbo waxa ka mid ah sharciga waa inuu isgaaro oo uu ka noqdo xumaantii haddii uu sidaa yeelo waa laga tirtirayaa ciqaabtii dembiga uu galay.

Xagga dadka wuxuu faray xadiiskani in qofka muslinka ah kula dhaqmo dadka dabeecad wanaagsan, taasoo ah inaad dadka nabadgeliso oon dhibkaaga gaarin kaddibna aad wax u tartid dadka kale adigoon wax abaalgud ah ka sugin, waa in dadka dheeftaadu gaarto dhibkaaguna gaarin waa sidaas dabeeecadda fiican.

FAA'IIDADA XADIISKA

1. Cabsida Ilaahay iney waajib tahay,
2. In qofku iska dhowro ku xadgudbidda sharciga,
3. Qofkii xumaan falaa waa inuu is-gaaro uu xumaantii wanaag ku beddelo,
4. Qofka Muslimka ah waa inuu dabeecad fiican dadka kula dhaqmaa,
5. Qofku waa inuu ahaado waxtare aan waxyeella laheyn.

الحادي عشر

عن أبي العباس

عن أبي العباس عبدالله بن عباس — رضى الله عنها — كنت خلف النبي صلى الله عليه وسلم يوما ، فقال لي : يا غلام ، اني أعلمك كلمات : احفظ الله يحفظك ، احفظ الله تجده تجاهك ، اذا سألت فاسأله ، واذا استعنت فاستعن بالله ، واعلم أن الامة لو اجتمعت على أن ينفعوك شيء لم ينفعوك الا شيء قد كتبه الله لك ، أن اجتمعوا على أن يضروك شيء لم يضروك الا وقال : حدث صحيح .

XADIISKA 19aad

GARGAARKA EEBBAHAY

Waxaa laga weriyay Abii Al - Cabbaas Cabdullaahi Binu Cabbaas Allaha ka raalli noqdee inuu yiri : Anigoo daba socda Nebiga (s.c.w.) maalin ayuu i yiri: dhegeyso wiilyahow waxaan ku barayaa ereyadan: Ilaahay dhowr isaguna waa ku dhowraya, Ilaahay dhowr waxaad ka heli doontaa hortaada. Haddii aad wax baryeysid Ilaahay tuug, haddii aad gargaar dooneysid Ilaahay gargaarso. Ogow haddii ummaddoo dhan isugu tagto iney wax kuu tarto waxaan Eebbe ku qorin kuumaa qaban karaan. Haddii ay isugu tagaan iney dhib ku gaarsiiyaan kuma gaarsiin karaan wax aan laguu qorin, qalinkii waa la rafacay inqaastii xaanshadana wey qallashay. **Waxaa weriyay Tirmidi oo yiri waa xadiis Xasan ah oo saxiix ah.**

SHARAXA

Xadiiskani wuxuu ka hadlayaa sidii leysugu kalsoon lahaa Ilaahayna loo cuskan lahaa. Haddii qofku xafido amarka Ilaahay faray isagana Ilaahay baa ka xafidaaya

musiibooyinka duninda ku baahsan, macnaha waa had-dii aad raacdid jidka toosan ee Ilaahay jideeyay waxaad ka badbaadeysaa balaayooyinka badan ee ka dhasha baadinimada iyo ku xadgudubka sharciga. Wuxuu faray Nebiga (s.c.w.) inuu ilaaliyo sharciga Ilaahay si uu uga helo hortiisa arrimihiisa oo Ilaahay u irrido bixinayo, waxaana lagu sheegay Aayad Qur'aan ah in ninkii Ilaahay ka cabsada arrimihiisa loo sahlaayo, ciriirigana Ilaahaya ka saarayo.

Marka haddii Ilaahay kuu ballan qaaday inuu arri-mahaaga fulinaayo waa inaad isaga weydiisataa muraadkaada, marka wax la weydiisanayo keliglii weydi-iso. Haddii arrimaha aad warsaneysaa yihiin kuwa Ilaahay la kelida yahay sida risqiga, ilmaha, cumri dhirkha, cudur qaadidda, roobka i.w.m. Haddiise waxaad codsaneysaa yahay arrimaha dadka dhexdiisa isa-siin karaan sida maacuunka iyo waxyaalaha aadamiga Ilaahay awoodda u siiyay ee uu bixin karo waa la weydi-isan karaa arrinkaa wax ka qaban kara. Sidoo kale gar-gaarka markaad gashid meel halis ah oo Ilaahay keliglii wax ka qaban karo sida markaad geshid meelo aad khatar u ah sida doon badda ku maashootay oo kale ama dab ku kacay dayuurad cirka socota iyo musiibooyinka Ilaahay loo sheegan karo waa inaad Ilaahay keliglii gar-gaar warsatid, maxaa yeelay waxyaalaha ka baxsan awoodda aadamiga waa in Ilaahay la warsado.

Waxaa kale oo xadiisku caddeynayaa in dhib iyo dheefba Ilaahay haayo keliglii, dadkuna waxba geli kareyn waxna kuu tari kareyn haddii aan Ilaahay horay kuugu qorin, wixii Ilaahaya kuu qorayna hore ayey u dhigan yihiin marka waxaa laga rabaa inaanu waxba u habranin ama aanu cabsanin ee waa inuu ku dhaqaaqo wixii uu xaq u garto isagoo ku kalsoon Ilaahiisa oo isaga qura cuskanaya kana gargaar dalbaya.

FAA'IIDADA XADIISKA

1. Qofkii xafida sharciga Ilaahay baa sharta ka xafidaaya,
2. Qofkii Ilaahay isku halleeya isagaa u jidbixinaaya,
3. Qofkii cid baryaya waa inuu Ilaahay baryo isaga-gana gargaar weydiisto,
4. Waa in qofku ogaado inaan cidna ka baajin kareyn wixii loo qoray cidna u diidi kareyn wixii loo calfay,
5. Camalka wanaagsan waa inuu badbaadiyo qofka musiibooyinka,
6. Waa in qofku ku kalsoonaado naftiisa kuna tiirsado Ilaahiisa keliglii.

الحادي عشر الحادي عشر

عن أبي مسعود عقبة بن عمرو الانصارى البدرى — رضى الله عنه — قال : قال رسول الله صلى الله عليه وسلم : (أن ما ادرك الناس من كلام النبوة الأولى : اذا لم تستح فاصنع ما شئت) رواه البخارى .

XADIISKA 20aad XISHOODKA

Waxaa laga weriyay Abii Mascuud Cuqba Binu Cumar Al Ansaari Al Badri - Allaha ka raalli noqdee - Inuu yiri Rasuulkii Ilaahay wuxuu yiri: waxaa ka mid

ahaa hadalladii laga soo gaaray Nebiyadii hore : Haddii aadan xishooneyn fal waxaad doontid.

Waxaa weriyay Bukhaari.

S H A R A X A

Xadiiskani wuxuu ka hadlayaa qiimaha weyn ee xishoodku ku lahaa diinii hore ee aadamigu ka soo dhaxleen Nebiyadii hore Nebedgelyo iyo Naxariisi korkooda ha ahaatee. Hadalka waxaa laga garanayaa in nebi walba ummadiisa ku waani jiray Nebi Maxamedna (s.c.w.) wuxuu u sheegay ummadiisa in xishoodku ka mid yahay iimaanka. Marka xishood la'aan waa iimaan la'aan ama xishood laawe waa iimaan laawe sidaa awgeed xadiiskan waa hanjamaad iyo goodin u jeedda qofka xishoodka fududeysta lana dareensiinaayo haddii uu fududeysta xishoodka qiimaha uu ku leeyahay bulshada inuu hoos u dhici doono isla markaana ciqaab mudan doono maxaa yeelay xishoodku waa xakamaha qofka ka hortaagan xumaatada, qallooca, sharafdhaca iyo dulliga.

FAA'IIDADA XADIISKA

1. Qiimaha weyn ee xishoodku ku leeyahay taariikhda aadamiga,
2. Qofka aan xishoon kheyr laga sugimaayo,
3. In xishoodku ka mid yahay anshaxa wanaagsan ee dadka ku faano,
4. Goodiga ku dhacay xishood laawaha inuu mudan doono cigaab adag, maxaa yeelay mar haddii qofku xishoodka ka tago wuxuu ku kacayaa dembiyo foolxun.

الحديث الحادى والعشرون

الاستقامة

عن أبي عمرو ، وقيل أبي عمرة سفيان بن عبد الله — رضي الله عنه — قال : قلت : يا رسول الله قل لي في الإسلام قوله لا أسأله عنك أحدا غيرك ، قال : قل : آمنت بالله ثم استقم . رواه مسلم .

XADIISKA 21aad

QUMANAANTA

Waxaa laga weriyay Abii Camrin Sufyaan Binu Cabdullaahi - Allaah ka raalli noqdee - Wuxuu yiri waxaan ku iri Rasuulkii Ilaaheyow (s.c.w.) "iiga sheeg Islaamka eray aanan weydiin doonin qof aan adiga aheyn. Wuxuu yiri Nebiga (s.c.w.) Waxaad dhahdaa Ilaahay baan rumee-yay kaddibna ku toos jidka quman."

Waxaa weriyay Muslim.

S H A R A X A

Xadiiskani waa laba eray oo aad u xeeldheer, maxaa yeelay, Islaamkiibaa intaas ku idil : In qofku Ilaahay rumeyyo sharcigana ku camalfalo, ku toosnaanta jidka quman waa in la fuliyo waxa lagu amray ka reebanaanto wixii lagaa reebay qofkii intaas laga helo ma jiro wax uga dhiman Islaamnimadii.

FAA'IIDADA XADIISKA

1. iimaanka ayaa ka horreyya camalfalka kale,
2. Ku sugnaanta iimaanka,
3. Ku toosnaanta jidka quman,
4. Hadalka gaaban oo lagu murtiyeyyo arrimo aad u xeeldheer.

الحديث الثاني والعشرون

ما يدخل الجنة

عن أبي عبدالله بن عبد الله الانصارى — رضى الله عنها — (أن رجلا سأله رسول الله صلى الله عليه وسلم فقال : (أرأيت اذا صليت المكتوبات وصمت رمضان وحللت الحلال وحرمت الحرام ولم ازد على ذلك شيئاً ، ادخل الجنة ؟ قال : نعم) . رواه مسلم ومعنى حرمت الحرام : اجتنبته ، ومعنى أحللت الحلال : فعلته معتقدا حلها .

XADIISKA 22aad

WAXA JANNADA LAGU GALO

Waxaa laga weriyay Abii Cabdullaahi Jaabir Binu Cabdullaahi - Allaha ka raalli noqdee - In nin weydiiyay Rasuulka Ilaahay (s.c.w.) : *Haddaan tukado salaadda oon soomo Ramadaanka oon baneesto xalaasha oon iska reebo xaaraanta intaana aanan waxna ka siyaadin ma gelaya Jannada - wuxuu ku jawaabay Nebigii (s.c.w.) Haa.*"

Waxaa weriyay Muslim.

Macnaa aan ka reebtoonaado: waa inaan ka dheeraado macnaa baneysto xalaasha waa inaan ku dhaqmo waxa xalaasha ah anigoo rumeysan xalaalnimadooda.

SHARAXA

Xadiiskani wuxuu inooga warramay waxa lagu muteysanayo Jannad taasoo ah in qofku guto waajibaadka laga faral yeelay kana dheeraado waxyaalaha laga xaaraantimeeyay oo aad ugu yar dunida sida Doofaarka, Khamrada iyo xaqa dadka kale, iyo inuu cuno wixii Ilaahay u xalaaliyay oo ah wixii ka soo haray xaaraanta.

FAA'IIDADA XADIISKA

1. Oogidda salaadda, soomidda,
2. Ka dheeraanshaha xaaraanta,
3. Ku dhaqanka xalaasha,
4. In camalka fiican lagu helqayo Jannada.

الحديث الثالث والعشرون

الاسراع في الخير

عن أبي مالك الحارث بن عاصم الاشعري — رضى الله عنه — قال : قال رسول الله صلى الله عليه وسلم : (الظهور شطر اليمان ، والحمد لله تملأ الميزان ، وسبحان الله والحمد لله تملأ أوقات ما بين السماء والأرض ، والصلة ، والصدقة برهان ، والصبر ضياء ، والقرآن حجة لك أو عليك . كل الناس يغدو فيائع نفسه فعتقها أو موبقها) . رواه مسلم .

XADIISKA 23aad

FALKA KHEYRKA

Waxaa laga weriyay Abii - Maalig Al - Xaaris Binu Caasim Al - Ashcari - Allaha ka raalli noqdee - Inuu yiri Rasuulkii Ebbahay wuxuu yiri : "Nadaafaddu waa iimaanka berkii, xamdigaa Eebbahay wuxuu buuxiyaa miisaanka - Ereyyga Subxaana - Laahi waa Al Xamdu Lillaahi waxey buuxiyaan cirka iyo dhulka dhexdooda, salaaddu waa nuur, sadaqadu waa burhaan (xujo) sabrigu waa iftiin, quraanku xujo ayuu kuu noqdaa ama kugu noqdaa, dadka oo dhammi wey kallahaan naftoodey iib geeyaan, qaar wey xureeyaan, qaarna wey halaagaan."

Waxaa weriya Muslim.

SHARAXA

Xadiiskani wuxuu ina tusayaa arrimo aad u qiimo weyn: Nadaafadda waxaa looga jeedaa in qalbiga laga safeeyo xaasidnimada, xinka iyo jirrooyinka qalbiga gala ee faraha badan. Marka qofkii Ilaahay rumeeya waxaasna ka nadiifiyo qalbigiisa ayuu iimaanku mid dhan noqonayaa. Ereyga mahad-naqa ee ah (al Xamdu Lillaahi) ajarkiisu wuxuu buuxinayaa miisaanka lagu miisaamo kheyrka iyo sharka oo Ilaahay ogyahay inta uu la eg'yahay, sidoo kale labada eray oo wada jira ee kala ah (Subxaana Allaahi waa Alxamdu Lillaahi) waxey buuxinayaa ajarkoodu ama abaalgudkoodu cirka iyo dhulka dhexdooda, waa siyaabo Ilaahay oo keli ah uu qiyaasi karo.

Salaaddu waxay u noqoneysaa qofka nuur ku hanuunono mugdiga dhexdiisa, sadaqadu waxay u noqoneysaa summad muujisa qofka islaam-nimadiisa iyo siduu xoolahiisa, xooggiisa iyo aqooniisa ugu caawiyay walaalihiisii u baahnaa, sabrigu waa adkeysiga, marka adkeysiaga qofku u adkeysanayo dhibaataada ka soo gaarta fulinta sharciga islaamka waxaa loogu abaalgudayaa in loo iftiimiyo jidka toosan ee Jannada loo maro marka kale mugdiga lagu daboolo.

Quraanku isagu waa xujo, qofkii ku camalfala wuxuu u yahay xujo u marag kacda daacadnimadiisa, haddii aanu ku dhaqmin wuxuu ku noqonayaa xujo ku caddeysa ceebihiisa iyo dembiyadiisa.

Qof kasta subaxii wuxuu u jarmaadaa danahiisa wuxuu iib geynayaa camalka naftiisa, marka hadduu wax kheyr leh sameeyo naftiisa wuxuu ka furtay cadaab-kii lagu ciqaabi lahaa, haddii uu ku kaco shar naftiisii ayuu ku riday cadaab. Marka qofka isagaa la siiyay awood inuu kala doorto meesha uu naftiisa geynayo Janno iyo Naar hadba tuu u camal fasho.

FAA'IIDADA XADIISKA

1. In qofka muslimka ah ku dadaalo siduu qalbigiisa uga nadiifin lahaa waxyaalah xun xun,
2. In falalka dadka miisaan lagu qiyaasi doono,
3. Faa'iidada sabirkha iyo ajar badnaantiisa,
4. Sida quraanku dadka ugu shafaaca qaadaayo haddii lagu camal falo,
5. Qof kasta naftiisuu u shaqo tegayaa nin Naar u jeeda iyo nin Janno u jeeda ayaa loo qeybsamayaa, marka naftaada Janno u jiid,
6. Qiimaha sadaqada iyo salaaddu u leedahay maalinta xisaabta qofkii hormarsaday.

الحديث الرابع والعشرون

صفات الله

عن أبي ذر الغفارى — رضى الله عنه — عن النبي (ص) فيما يرويه عن ربه — عز وجل أنه قال : (يا عبادى ، انى حرمت الظلم على نفسى وجعلته بينكم حرما ، فلا تظالموا ، يا عبادى كلكم ضال الا من هدنته فاستهدوني أهدكم ، يا عبادى كلكم جائع الا من أطعمنه فاستطعمونى أطعمكم ، يا عبادى كلكم عار الا من كسوته فاستكسونى اكسكم ، يا عبادى انكم تحطثون بالليل والنهار وانا أغفر الذنوب جميعا فاستغفرونى أغفر لكم ، يا عبادى انكم لن تبلغوا ضرى فتضرنى ، ولن تبلغوا نفعي فنتفعونى و يا عبادى لو ان أولكم وآخركم وانسكم وجنكم كانوا على اتقى قلب رجل واحد منكم ما زاد ذلك في ملكى شيئاً ، يا عبادى لو أن أولكم وآخركم وانسكم وجنكم كانوا على افجر قلب رجل واحد منكم ما نقص ذلك من ملكى شيئاً ، يا عبادى لو أن أولكم وآخركم وانسكم وجنكم قاموا في صعيد واحد فسألوني فاعطيت كل واحد مسألته ، ما نقص ذلك مما عندى الا كما ينقص المحيط اذا دخل البحر ، يا عبادى انا هى اعمالكم احصيها لكم ، ثم أوفيكم ايها ، فمن وجد خيراً فليحمد الله ومن وجد غير ذلك فلا يلو من الا نفسه) . رواه مسلم .

XADIISKA 24aad
REEBIDDA DULMIGA

Waxaa laga weriyey Abii-Darriin Al-Gafaari, Allaah ka raalli noqdee, in Nebigu (s.c.w.), uu ka weriyey Rabbigiisa oo yiri: "Addoomaheygiyow anigu waan ka xaaraantinimeeyey nafteyda dulmiga, waxaan ka dhigay dhexdiinna xaaraan, idinku ha is-dulminina. Addoomaheygiyow dhammaantiin baadi baad tiihin, qofkii aan hanuuniyo ma ahee, marka soo doonta hidaayad aan idin hanuuniyee. Addoomaheygiyow dhammaantiin waad baahan tiihin soo doonta quud aan idin quudiyee. Addoomaheygiyow dhammaantiin waa arradan tiihin soo doonta hu aan idin arrad tiree. Addoomaheygiyow habeen iyo dharaarba waad gefeysaan, dembiga dhammaantiina anigaa dhaafa, marka dembi-dhaaf dalba aan idiin dembi-dhaafee. Addoomaheygiyow haddaad i dhibi lahaydeen ma awoodi kartaan, haddaad wax ii tarjumahaydeen ma awoodi kartaan. Addoomaheygiyow haddii dadkoo dhammi kii loogu hor-uumay ilaa kii ugu dambeeyey Jinni iyo Insi oo ay dhammaantood la mid noqdaan qofka dadka ugu Alla ka cabsi iyo cibaado badan, waxba hantideyda ku kordhin meysaan. Addoomaheygiyow haddii dadka oo dhan kii loogu hor-uumay ilaa kii ugu dambeeyey Insi iyo Jinniba ay la mid noqdaan ninka dadka ugu caasi badan, waxba hantideyda ka dhimi meysaan. Addoomadeydiyyow haddii dadka kii u horreeyey iyo kii u dambeeyey Insi iyo Jinniba hal meel ay isugu yimaadaan oo ay dhammaantodd i weydiistaan waxa ay doonayaan oon mid kasta siiyo wuxuu warsaday waxba hantideyda ka dhimi maayaan, waxaan ka ahayn irbad bad la geliyey ay ka dhinto biyaha badda. Addoomaheygiyow, waxaan idiin hayaa camalkiinnii oon idiin keydiyey, si waafi ahna idiinka

abaalmarinaayo, marka ninkii kheyr la kulma Ilaahay ha u mahad-naqo, kii shar la kulma naftiisa keli ah ha canaanto".

Waxaa weriyey Muslim
S H A R A X A

Xadiiskan waxaa la yiraahdaa Xadiis Al-Qudsi, wuxuu ka mid yahay xadiisyada Nebigu (s.c.w.) Ilaahay ka weriyey.

Dulmiga waxa loola jeedaa in dadka gardarro iyo xasarad lagula kaco ama xoolahooda xaq-darro loo qaato, marka Ilaahay wuu ka dhowrsoon yahay dulmiga, dadkana wuxuu amray inaanay is-dulmin, wuxuu Ilaahay inoo sheegay wax jira oo ah in dadku dunida yimaado, iyagoon aqoon lahayn, iyagoo qaawan, iyagoo sabool ah, marka Ilaahay baa irsaaqda, hanuunka iyo aqoontaba ugu deeqa dadkiisa, waana in laga dalbo isaga keli ah oon laga tuugin cid aan arrimahaas gacanta ku haysan, maxaa yeelay, qofna ma bixin karo wax aannu hanan. Wuxuu sheegay Ilaahay dabeecadda aad-amigu leeyahay oo ah inuu mar kasta gefaf ku dhaco, marka qofkii gefaa waa in uu Ilaahay cafis warsado oo uu u toobad keeno. Waxaanu Ilaahay u ballanqaaday qofkii dembi-dhaaf warsada in uu cafin doono. Waxaa kale oo Ilaahay inoo sheegay inaan caasinnimada dadku Ilaahay waxba u dhimayn, xataa haddii uunkoo dhammi ku caasi garoowaan.

Sidoo kale cibaadada iyo daacadda badan waxba Ilaahay u kordhin maayaan, xataa haddii uunkoo dhammi wada daacad taqi ah noqdaan, macnahoo ah caqliga Ilaahay waxna uma tarjumahaydeen ma yeeli karaan, Ilaahay isagaa dunida abuuray, waanu ka deeq-toon yahay sida lagu caddeeyey aayado badan oo qur'aanka ah, marka uunku isagaa u baahan Ilaahay,

waxaana u roon in ay amarkiisa fuliyaan, si ay u gaaraan danahooda.

Waxaa sidaa caddeeyey xubinta leh: "Haddii dadkoo dhan oo jinkuna la jiro qof kastana wuxuu ka doono dunida i warsado oon dhammaantood qof waliba siiyo wuxuu warsaday hantida llaahay waxba ka dhimi maayaan, sida aanay badda waxba uga dhimayn haddii irbad la geliyo oo laga soo saaro".

Ugu dambeyntii xadiisku wuxuu sheegayaa in dadka laga abaalmariyo qofba wuxuu fashay, marka qofkii u gabood falay sharciga naftiisa raacay waxaa loogu abaalgudayaa cizaab, qofkiise amarka Eebbahay raacay ee sharciga ku camal-falay, waxaa loogu abaalgudayaa Jannada Eebbahay. Marka qofkii Naar mutaysta ha canaanto naftiisa keli ah, maxaa yeelay, iyadaa ka dhumisay jidka toosan.

FAA'IIDADA XADIISKA

1. In dulmigu xaaraan yahay;
2. Hanuuninta waa in laga codsado llaahay keli ah;
3. Khalqigu dhib iyo dheef midna llaahay ma gaarsiin karaan;
4. Dadka waxaa laga abaalmariyaa qofku wuxuu fashay;
5. Qofka Muslinka ah waa in uu llaahay ka baryo hidaayada, adduunyada, dembi-dhaafka iyo wuxuu doonaba ee aannu ka codsanin arrimahaas cid aan waxba uga tarayn;
6. Qofku waa in uu Eebbahay uga mahad-noqo nicmooyinka faraha badan ee aan la soo koobi karayn.

الحديث الخامس والعشرون

عن أبي ذر — رضي الله عنه — أيضاً : (أن ناساً من أصحاب رسول الله (ص) قالوا للنبي (ص) : يا رسول الله ذهب أهل الذور بالاجور ، يصلون كما نصل ويصومون كما نصوم ويتصدقون بفضول أموالهم ، قال : أو ليس قد جعل الله لكم ما تصدقون ، إن كل تسيبيحة صدقة ، وكل تكبيرة صدقة ، وكل تحميدة صدقة ، وكل تهليلة صدقة ، وأمر بالمعروف صدقة ، ونهى عن منكر صدقة ، وفي بعض أحدكم صدقة ، قالوا : يا رسول الله أيّاقَ أحدنا شهوهه ويكون له فيها أجر ؟ قال : أرأيتم لو وضعها في حرام أكان عليه وزر ؟ فكذلك اذا وضعها في الحلال كان له اجر) . رواه مسلم .

XADIISKA 25aad WARDIGU WAA SADAQO

Waxaa laga weriyey Abii-Darriin , Allaha ka raalli noqdee, inuu yiri: Dadka Asxaabtii Rasuulka (s.c.w.), ka mid ah ayaa ku yiri Nebiga (s.c.w.), "Rasuulkii llaahayow, dadkii maalqabeenka ahaa ayaa ajarkii la wada tegey, sidaan u tukanno ayey u tukanayaan, sidaan u soonno ayey u soomayaan, waxay nagu dhaafeen in ay sadaqaystaan xoolahooda dheeraadka ah", markaasuu Nebigu yiri (s.c.w.), "Miyaan llaahay idin siin wax aad sadaqaysataan, Tasbiixad kastaa (Subxaana Allaahi), waxay idiin tahay sadaqo, Takbiirad kastaa (Allaahu Akbar) waxay idiin tahay sadaqo, Taxmiida kastaa (Alxamdu Lillaahi) waxay idiin tahay sadaqo, Tahliila kastaa (Laa llaaha illa-laahu), waxay idiin tahay sadaqo, wanaagga la is-farayaa waa sadaqo, xumaanta layska reebaa waa sadaqo, galmada ooridiinnu waa sadaqo". Markaas bay yiraahdeen: "Rasuulkii llaahayow ma nin baa xaajada uu gudanaayo lagu ajar sinayaa? Markaas buu yiri, waxaad iiga warrantaa haddii uu naag xaaraan

ah u tegi lahaa sow dembi kuma dhaceen? Sidoo kale hadduu u tago ooridiisa xalaasha ah wuxuu leeyahay ajar.

Waxaa weriyey Muslim

S H A R A X A

Xadiiskani aad buu muhiim u yahay, maxaa yeelay, wuxuu inoo caddeynayaan inaan cibaadadu ku koobnayn salaadda iyo waajibaadka xagga llaahay ee waxaa ka mid ah kheyr kasta oo dadka loo faa'iideeyo.

Waxaa kale oo xadiisku sheegay inaan sadaqadu ku koobneyn xoola-bixinta oo keli ah, ee werdigu geli karo halkii sadaqada, ninkii aan xoolo lahayn.

Waxaa la sadaqayn karaa xoogga llaahay ku siiyey, carrabkaaga waad ku werdi kartaa, laakiin, waxaa shardi ah erayada aad ku werdinaysaa in ay kuwa sharcigu na faray ay yihiin, sida kuwa ku xusan xadiiskan, mana bannaana inuu jeebkiisa ka keensado wardi aan sharciga lagu sheegin, sida aanay u bannaaneyn in uu tukado salaadda aan sharcigu farin ama si aannu sharciga u farin, waxaa kale oo carrabka laga sadaqayn karaa in dadka wax loo sheego, lagu hanuuniyo jidka toosan, looga digo jidka qalloocan. Waxa kaloo xadiisku inoo faa'iideeyey in fal kasta oo wanaagsan qofka laga ajar siinaayo haba noqdo wax uu dantiisa gaarka ah u qabtay sida galmaada xaaskiisa.

FAA'IIDADA XADIISKA

1. Siday Asaxaabtu kheyrka ugu tartami jireen, innaguna waa inaan kaga dayanno;
2. Sadaqadu inaanay xoolo la bixiyo oo keli ah ku koobnayn ee xoogagga kala duwan ee llaahay inoogu deeqay la sadaqaysan karo;

3. Cibaadadu in ay ku koobneyn arkaanta Islaamka ee ay tahay kheyr kasta oo loo sameeyo aadamiga sida waafaqsan sharciga;
4. Galmada xalaasha ah, waxaa laga helayaa ajar.

الحديث السادس والعشرون

شكر النعم

عن أبي هريرة — رضي الله عنه — قال : قال رسول الله صلى الله عليه وسلم ، كل يوم تطلع فيه الشمس ، تعدل بين اثنين صدقة وتعين الرجل في دابته فتحمله عليها أو ترفع له عليها متعاه صدقة ، والكلمة الطيبة صدقة ، وبكل خطوة تمشيها الى الصلاة صدقة ، وقيط الاذى عن الطريق صدقة) .
رواوه البخارى .

XADIISKA 26aad XILKA SAARAN XUBNAHA QOKFA

Waxaa laga weriyey Abii-Hureyra, Allaha ka raalli noqdee, inuu yiri, Rasuulkii Eebbahay (s.c.w.) wuxuu yiri: "Xubin kasta oo aadamiga kutaal, waxa korkeeda ah sadaqo, maalin kasta. Marka haddaad laba qof oo dirisan maslaxaysid sadaqo ayey kuu tahay, haddii aad qof ku gargaartid gaadiid fuulidda oo ku taageertid in uu fuulo ama qalab dhulka ka yaal aad u fidiso, waxay kuu tahay sadaqo, hadalka wanaagsan waa sadaqo, tallaabo kasta oo aad salaad u qaaddid waa sadaqo, haddii aad jidka waxa dadka dhibaaya aad ka leexisid waa sadaqo".

Waxaa weriyey Bukhaari iyo Muslim

S H A R A X A

Xadiiskani, wuxuu si faahfaahsan inoogu warra-mayaa xilka ka saaran qofka muslimiinta walaalihiisa ah

ee bulshada kula nool. Wuxuu llaahay ku waajibiyey xubin kasta oo ka mid ah xubnaha qofka sadaqa joogto ah, waxaana lagu bixin karaa sadaqadaas shaqada xubnaha bulshada ee baahan loo qabanaayo, wuxuu xadiislu tilmaamay dhowr fal, tusaale ahaan, kuwaas oo ah: In dadka kala boodsan la maslaxeyyo, in qofka tamarta daran ee curyaanka ah ama uurka leh ama isa-sidda lagu caawiyo fuulidda gaadiidka, in hadal wanaagsan oo aan turxaan lahayn lagula hadlo dadka aad la kulmeysid, inaad u socotid Masaajidka, inaad jidka dadka iyo xooluhu marayaan ka nadiifisid waxa dhibaaya dadka sida, dhagaxa, oodda iwm. Waxa la mid ah arrimahaas wax kasta oo waxtar u leh dadka, oo dhib ka badbaadinaya ama dheef u soo jiiday.

Marka wax-u-qabadka dadka kuu baahan ayaa kaa bixin kara waajibka xubnahaaga saaran, haddii awoodda llaahay ku siiyay aad ka hagratiid walaalahaaga u baahan ogow inaad mudan doonto ciqaabta llaahay, sababtoo ah qofka curyaanka ah ama waxtarkaaga u baahan llaahay uma waayin in uu siiyo awooddaada oo kale ama tu ka weynba, laakiinse, ogaan buu sidaa uga yeelay, si lagu ixtiraamo adiga iyo dadka kula midka ah, in ay wax ka qabtaan arrimahaas oo kale.

FAA'IIDADA XADIISKA

1. Dhexdexaadinta dadka dirirsan waa ku waajib dadka awoodda u leh;
2. Gargaarka qofka jidka gudbayaa ee u baahan gacan ama qofka aan fuuli karayn baabuurka ama waxa la midka ahba, ha noqdo qof curyaan ah, mid uur leh, waa waxyaalaha waajibka ku ah xubnaha bulshada muslimka ah;

3. Qofkii aan wax kale hayn waa inuu ku soo dhoweeyo dadka erayo macmacaan oo qofku ku farxo, isagoo daacad ah oo aan waxba ka sasabanayn;
4. Jidka dadku maraayo waa in laga fogeeyo wixii dadka dhibaaya, sida dhagaxa, qoryaha, godadka oo duugis u baahan iwm;
5. Socodka loo soconaayo masaajidka, tallaabo kasta ajar buu ku leeyahay qofku;
6. Sida maalka sekada ugu waajibtay ayey jirkana ugu waajibtay seko, laakiin, sekada jirku waa inaad xoogga, caqliga iyo laxaadkaaga kale muslimiinta wax ugu tartid;
7. Inuu qofku xooggiisa isaga uun isku koobin ee waa in uu u gudbiyo dadka kale maalin kasta waxtarkiisa.

S H A R A X A

Xadiiskan waa miisaan lagu kala sooco wanaagga iyo xumaanta, miisaankuna waa qalbiga qofka Muslinka ah, marka arrinku kaa hor yimaado haddii aad ka shakido in uu waxaas xalaal yahay iyo in kale, marka wixii aad ka shakidid ka dheerow xattaa haddii dadku ku yiraahdo waxaanu waa xalaal waa inaadan ku kalsoon-aanin, waa inaad ku camal-fashid waxa aad ku kalsoon tahay ee aad ku laab fayowdahay.

FAA'IDDADA XADIISKA

1. Haddaad doonto inaad ku dhaqaaqdid shaqo ama fal naftaada la tasho;
2. Qofka Muslimka ah, wuxuu qalbigiisa ku negi yahay waa wax san;
3. Qofka Muslimka ah, wixii uu ka shakiyo in ay xun yihiin iyo in kale waa in uu ka dheeraado.
4. Wixii aad neceb tahay in ay dadka sharafta leh kugu arkaan ogow in uu yahay wax aan shar-ciga ku fiicnayn.

الحديث الثامن والعشرون

وصيحة

عن أبي نجيح العرباض بن سارية — رضي الله عنه — قال : (وعظنا رسول الله صلى الله عليه وسلم موعضة وجلب منها القلوب وذرفت منها العيون ، فقلنا : يا رسول الله ، كأنها موعضة مودع فأوصنا ، قال : أوصيكم بتقوى الله — عز وجل — والسمع والطاعة ، وأن تأمر عليكم عبد ، فإنه من يعيش منكم فسيرى اختلافاً كثيراً ، فعليكم بستى وسنة الخلفاء الراشدين المهتدين ، عصوا عليها بالتوارد ، وأياكم ومحدثات الامور ، فإن كل محدثة بدعة ، وكل بدعة ضلاله ، وكل ضلاله في النار) . رواه أبو داود والترمذى وقال حديث حسن

صحیح .

ال الحديث السابع والعشرون

البر والاثم

عن التوس بن سمعان — رضي الله عنها — عن النبي صلى الله عليه وسلم قال : (البر حسن الخلق ، والاثم ما حاك في نفسك وكرهت أن يطلع عليه الناس) رواه مسلم .

وعن وابصة بن عبد — رضي الله عنه قال : (أتيت رسول الله (ص) فقال : جئت تسأل عن البر ؟ قلت نعم ، قال : استفت قلبك ، البر ما اطمأنت اليه النفس واطمأن اليه القلب ، والاثم ما حاك في النفس وتردد في الصدر ، وأن افتاك الناس وأفتكوك) حديث حسن رويناه في مسند الإمامين أحمد بن حنبل والدارمي بساند حسن .

XADIISKA 27aad

SHAKIGA SIDAAD UGA BIXI LAHAYD

Waxaa laga weriyey Al-Nawaas Binu-Samcaan, Allaah ka raalli noqdee, in uu yiri Nebiga (s.c.w.): "Sam-aantu waa dabeeecad wanaagsan, xumaantuna waa wax naftaada shaki geliya eed kahato in dadku kugu arko".

Waxaa weriyey Muslim

Waxaa laga weriyey Waabisa Binu-Macbad, Allaah ka raalli noqdee, in uu yiri, Wuxaan u imid Rasuulkii Ilaahay (s.c.w.), markaasuu i yiri: "Ma waxaad u timid inaad warsato samaanta? Markaasaan iri haa, mar-kaasuu yiri, qalbigaaga warso samaantu waa waxay naftaadu ku kalsoonato, qalbiguna ku negaado, xumaantuna waa waxa nafta shaki geliya, qalbiguna ka walaaco, xataa haddii dadku kuu muujiyo in uu wanaagsan yahay".

Waa xadiis Xasan ah oo laga weriyey Musnadka Axmed Binu-Xambal iyo Daarami.

XADIISKA 28aad D A R D A A R A N

Waxaa laga weriyey Abii-Najiix Al-Cirbaad Binu-Saariya, Allaha ka raalli noqdee in uu yiri: "Waxaa na wacdiyey Rasuulkii Ilaahay (s.c.w.), wacdi qalbiga dhaalaaliyey oo indhaha ka ilmeysiyyey, markaasaan ku niri Rasuulkii Ilaahayow waa wacdi sagootin ah ee noo dardaaran, markaasuu yiri, waxaan idinkula dardaarmayaa cabsida Ilaaha weyn ee cisiga leh iyo maqal iyo adeecid madaxdiinna, xataa haddii uu madaxdiinnu yahay nin addoon ah, maxaa yeelay, ninkiinna noolaada wuxuu arki doonaa khilaafyo badan, waxaad raacdaan jidka Nebiga (s.c.w.) iyo jidka Khulafadiisii hanuunsanaa, jidkaa ku dhega oo gowsaha ku qabsada, kana digtoonaada arrimaha soo diri doona, maxaa yeelay, wax kasta oo Diinka lagu soo derriyey waa bidco, bidcaduna waa baadinnimo, qofkii ku socdana waa ahlu-naar.

Waxaa weriyey Abuu-Daa'uud iyo Tirmidi oo yiri, waa xadiis Xasan ah oo saxiix ah.

S H A R A X A

Xadiiskani wuxuu caddeynayaarrimo ka mid ah kuwii Nebigu (s.c.w.) u dardaarmay ummaddiisa, waxaanu ku wacdiyey wacdi qalbigooda dhaqaajiyyey, wuxuu kula dardaarmay in ay Ilaahay ka cabsadaan dhowridda iyo ku-dhaqanka sharciga, wuxuu faray in amarka dawladda la adeeco, xataa hadduu yahay ninka madaxda ah qof addoon ah. Mar haddii aannu wax macsiya ah idin fareyn. Wuxuu xadiisku ka warramay waxy-aalo dhici doona oo ah in ninkii noolaada in uu la kulmi doono khilaaf fara badan xagga diinta, dadkaas is-khilaafsan qof kastaa, wuxuu sheeganayaa in uu isaga keliglii jidka xaqa ah haayo, dadka kalena ay gefsan yihiin. Marka wuxuu yiri Nebiga (s.c.w.), haddii waxaasi

dhacaan raaca jidka Nebiga iyo Khulafadii hanuunsanayd ku joogeen. Khulafada waxa loola jeedaa Abiibakar, Cumar Ibnu-Khadaab, Cusmaan Binu-Cafaan, Cali Ibnu-Abuu-Daalib, jidkaas baa xaq ah ee ha lagu dhego.

Wuxuu uga digay in ay ku kalsoonaadaan waxyalaaha diinta lagu kordhin doono oo aan ka mid ahayn ee ah bidcada, bidcaduna waa baadi, dadka naarta u jiideysa, marka bidcada waxaa loola jeedaa in Ilaahay lagu caabudo wax aannu jideynin oo aan Nebigu farin, sida werdi aannu Nebigu sheegin inaan ku werdinno ama salaad aan lagu farin ama goortii lagu faray goor aan ahayn aad tukatid ama si aan laguu farin u tukatid ama aad u jeesato meel aan Qiblada ahayn ama aad dawaiftid meel aan Kacbada Ilaahay ahayn iwm.

Markaad ku kacayso fal cibaado ah, waa inaad ogaatid halka uu falkaasi salka ku hayo, maxaa yeelay, cibaado ma aha inaad iska fashid sidaad jeceshahay ee waa sida lagu faro, haddiise aad Ilaahay ku caabbuddo wax aannu kuu diran waa tacab khasaaray if iyo aakhiraba, marka iska hubso intaad dhowdahay oo camalkaaga la socodsii sharciga Islaamka runta ah.

FAA'IIDADA XADIISKA

1. In Ilaahay la dhowro sharcigiisa;
2. In amarka dawladda la adeeco, haddii kale fidnaa dhacaysa;
3. Marka khilaafku bato xagga diinta waa in la raaco jidkii Rasuulka (s.c.w.) iyo Khulafadiisa;
2. In laga digtoonaado bidcada lagu soo darriyey Diinta;
5. Dadka ku camal fala bidcada waa tacab khasaar ifka iyo cadaab aakhiro, maxaa yeelay, wejigaa

lagaga soo tuurayaa camalkooda, aakhirana waa lagu ciqaabayaa, sababtoo ah intuu weydaartay jidkii Rasuulka (ayuu ku camal falay cibaado aan la farin, inkastoo uu is-leeyahay kheyr baad heleysaa, wuxuu la mid yahay qofkaasi sidii asaga oo leh jidka Rasuulkama fiicna ee anigaa jid ka fiican oo Ilaahay kuu dhoweynaya samaynaya, jidkaas baana naarta geeya.

الحديث التاسع والعشرون طريق الجنة

عن معاذ بن جبل – رضي الله عنه – قال : قلت يا رسول الله أخبرني بعمل يدخلني الجنة ويباعدني عن النار ؟ قال : لقد سألت عن عظيم وأنه ليسير على من يسره الله تعالى عليه : تبعد الله لا تشتراك به شيئاً ، وتقيم الصلاة وتؤتي الزكاة ، وتصوم رمضان ، وتحجج البيت ، ثم قال : الا أدلك على ابواب الخير ؟ الصوم جنة ، والصدقة تطفى ، الخطيئة كما يطفئ الماء النار ، وصلة الرجل في جوف الليل ، ثم تلا تتجاذب جنوحهم عن المضاجع ، حتى بلغ . . . يعلمون . ثم قال : الا أخبرك برأس الامر وعموده وذروة سنانه ؟ قلت : بل يا رسول الله قال : رأس الامر الاسلام وعموده الصلاة ، وذروة سنانه الجهاد ، ثم قال : الا أخبرك بملائكة ذلك كله ؟ قلت : بل يا رسول الله ، فاخذ بلسانه ، وقال : كف عليك هذا ، قلت : يا نبي الله وأنا لمؤذنون بما نتكلم به ؟ فقال : ثكلت أمك يا معاذ ، وهل يكب الناس في النار على وجوههم ، أو قال : على متاخرهم الا حصائد السنتم) . رواه الترمذى وقال : حديث حسن صحيح .

XADIISKA 29aad JIDKA JANNADA LOO MARO

Waxaa laga weriyey Macaad Binu-Jabal, Allaha ka raalli noqdee, wuxuu yiri, waxaan ku iri Rasuulkii Ilaah-

ayow, ii sheeg camal Jannada i geliya, Naartana iga dheeereeya. Wuxuu yiri, waxaad weydiisay arrin culus, waana sahlan yahay ninkii Ilaahay u fududeeyo: "Ilaahay keligii caabud oo cid kale ha la wadaajinin cibaadada, tuko salaadda, bixi sakada, soon bisha Ramadaanka, Xajka gudo, markaasuu yiri, ma ku tusaa irridaha khayrka? Soonku waa gaashaan, sadaqadu waxay demisaa dembiyada, sida biyuhu dabka u damiyaan, haddana wuxuu sheegeey in salaadda saqda dhewe loo kaco, waxaanu akhriyey aayad ammaanaysa dadka u kaca salaadda saqda dhewe, marka dadka kale hurdada macaansanayaan. Markaasuu yiri ma kuu sheegaa arrinka madaxiisa, tiirkiisa iyo baarkiisa, markaasuu yiri, haa. Rasuulkii Ilaahayow markaasuu yiri Nebigu, arrinku madaxiisa waa Islaannimada, Tiirkiisuna waa Salaadda, Baarkiisuna waa Jihaad. Haddana wuxuu yiri, ma kuu sheegaa wax intaas oo dhan isku fuuqsaday, markaasaan iri haa Rasuulkii Ilaahayow; markaasuu yiri intuu carrabka taabtay, iska celi kan. Markaasaan iri Nebigii Ilaahayow miyaa na loo qabanayaa waxaan ku hadalno? Markaasuu yiri hooyadaa ha ku weydo Macaadow, maxaa dadka naarta ku tuura oo aan ahayn waxyaalaha carrabka lagu galabsaday".

Waxaa weriyey Tirmidi oo yiri waa Xadiis Xasan ah.

SHARAXA

Xadiiskan wuxuu kulansaday arrimo waaweyn oo isla markaa qiimo xeel dheer ku fadhiya. Markuu weydiyey Macaad Nebiga (s.c.w.), camal Jannada geeya, Naartana ka fogeeyya, wuxuu ugu jawaabay in camalkaasi ku xiran yahay siduu ugu camal falo mabaadi'ida

uu hoos ugu sheegay oo Shanta Tiir ee Islaamku ka mid yihiin, sida in Ilaahay keligiis la caabbudo oo aan cid kale loola shariig yeelin cibaadada. In uu guto waajibaadka salaadda, soonka, sekada iyo xajka.

Wuxuu haddana uga warramay waxtarka salaadda iyo sadaqada isagoo yiri: "Salaaddu waxay gaashaan kaaga noqotaa naarta, weliba wuxuu sii ammaanay isagoo aayad qur'aan ah tusaale usoo qaataay, dadka saqda dhexe salaadda u kaca markay dadka kale hurdo ku maqan yihiin, sadaqaduna waxay damisaa dembiga qofka gubaya oo u jiidayna naarta".

Haddana Rasuulku (s.c.w.), wuxuu ka warramay saddex waxyaalood oo ugu muhiimsan qofka dunida ku nool, kan ugu horreeya waa in qofku galu Xerada Islaan-nimada, kan labaad waa Tiirka oogidda salaadda, kan saddexaad oo ah heer sare oo ah halka geela kuruska kaga yaallo waa jihaadka Aad la jihaadeyso cadowyada naftaada ee faraha badan oo ay ka mid yihiin: hawraaca nafta, inaad ka adkaatid, si aanay kugu jiidin meel baas oo Aad ku baaba'do. Cadowga Islaamka ee raba in uu demiyo iftiinka Islaamka iyo cadowga aadamiga, guud ahaan, sida gaajada, cudurka, jahliga iwm. waa inaad cadowyadaas oo dhan midna looga soo dhicin dhinaca Aad Islaamka ka joogtid, laakiin, waxaas oo dhan waxaa ka daran waa inaad carrabkaaga ka adkaatid, maxaa yeelay, waa qalabka sharka iyo kheyr-kaba lagu fulin karo, isagaa dadka kugu diri kara, had-daad ku hadasho wax xun, isagaa dadka kuu soo dhoweyn kara haddaad kula dhaqantid wax fiican, mar-kaa ka digtoonow in uu naar kuu jiido, dadka isagaa ku ururiyey naarta.

FAA'IIDADA XADIISKA

1. Wuxuu caddeeyey Tiirkarka Islaamka;

2. Faa'iidada salaadda iyo kaalinta ay kaga jirto Islaamka;
3. Qiimaha sadaqada iyo salaadda saqda dhexe;
4. Arrimaha ugu muhiimsan qofka dunida ku nool;
5. Jahaadka iyo waxyaalaha lala jihaadaayo;
6. Halisnimada carrabka iyo inuu qofka naar u jiidaayo, hadduusan iska celin;
7. In gudashada waajibka qofka u jiideyso Jannada.

الحديث الثالثون

حدود الله

عن أبي ثعلبة الخشيني جرثوم بن ناشر — رضي الله عنه — رسول الله صلى الله عليه وسلم قال : أن الله تعالى فرض فرائض فلا تنصيغوها ، وحد حدود فلا تعتدوها ، وحرم اشياء فلا تنتهكوها ، وسكت عن اشياء رحمة لكم غير نسيان فلا تبحثوا عنها) حديث حسن رواه الدارقطني وغيره .

XADIISKA 30aad XUDUUDDA EEBBAHAY

Waxaa laga weriyey Abii-Saclaba Al-Khusaani Jur-tum Binu-Naashir, Allaha ka raalli noqdee, in uu yiri, Rasuulkii Ilaahay wuxuu yiri: "Ilaahay wuxuu faray waajibaad, ha dayacin, wuxuu dhigay soohdimo, ha gudbin, wuxuu xaaraantinnimeeyey waxyaalo ee, ha falina, wuxuu ka aamusay waxyaalo isagoon hilmaansanayn uu idinku naxariisanaya ee, ha baarbaarin".

Waa xadiis Xasan ah, waxaa weriyey Al-Daar Al-Qudni iyo kuwo kale.

الحادي والثلاثون

الزهد

عن أبي العباس سهل بن سعد الساعدي – رضى الله عنه – قال : (جاء رجل الى النبي صل الله عليه وسلم فقال : يا رسول الله دلني على عمل اذا عملته احبني الله وأحبني الناس ؟ فقال : (ازهد في الدنيا يحبك الله وأزهد فيها عند الناس يحبك الناس) حديث حسن ، رواه ابن ماجه وغيره بأسانيد حسنة .

XADIISKA 31aad

WAXA ILAAHAY IYO DADKUBA KUGU JECLAADAAN

Waxaa laga weriyey Abil-Cabbaas Sahal Bin-Saacid Al-Saacid, Allaha ka raalli noqdee, in uu yiri: “Waxaa u yimid Nebiga (s.c.w.), nin oo ku yiri Rasuulkii Ilaahayow igu hanuuni ficol haddii aan falo Ilaahay iyo ummadiisaba igu jeclaadaan, markaas buu ku yiri, ka saahid adduunyada Ilaahay baa kugu jeelaan, ka saahid waxay dadku haystaan iyagaa ku jeelaan doonee”.

Waxaa weriyey Ibnu-Maajah iyo kuwo kale, waana Xadiis Xasan ah.

S H A R A X A

Xadiiskan wuxuu ka hadlayaa jidki loo mari lahaa raalli ahaanshaha Ilaahay iyo aadamiga, waana wax aad u adag sidii labadaba looga wada hadli lahaa raalli ahaanshaha Eebbahay waa inaad adduunyada iska dhaaftid. Adduunyada waxaa looga jeedaa maalka, marka waxaa isweydiin leh haddii qofku iska dhaafio maalka iyo kasabka sidee u noolaan karaa? Xadiiskan waxaa looga jeedaa maalka laga saahidaayo waa midka lagu raadiyo jidka aan sharciga ahayn ama sida xaaraanta ah lagu doono, laakiin, jidka xalaasha ah inaad ku shaqaysatid waa waajib, sida ay caddeeyeen aayado badan iyo xadiisyo kale.

S H A R A X A

Xadiiskani wuxuu ku soo murtiyeyey Islaamkii oo dhan afar arrimood oo kala ah:

1. In la falo wixii Ilaahay ina amray;
2. Inaan la falin wixii Ilaahay innaga reebay;
3. Inaan la gudbin soohdinta Ilaahay ku kala xiray wanaagga iyo xumaanta;
4. Inaan la baarbaarin wixii Ilaahay ogaan uga aamusay.

Waxaa looga jeedaa inaan la baarbaarin arrimaha dahsoon: Arrimaha dunida jira wey u wada bannaan yihiin Muslinka, wixii aan lagu caddeyn in la xaaraantini-meeeyey. Haddaba, qofka Muslinka wanaagsan ah, waa inaanu waxyaalahaas faagfaagin, si aan shaki iyo waswaas ugu dhicin dadka Muslinka ah ee waa in uu ku kalsoonaado Ilaahiisa oo u qeexay wixii xun ee aan loo oggoleyn ee dadka dhibaaya.

FAA'IIDADA XADIISKA

1. Gudashada waajibaadka iyo ka dheeraanshaha xaaraanta;
2. Inta la fulinaayo waajibaadka ee laga fogaanayo xaaraanta waa in lagu dhex jiro xuduudda Ilaahay u dejiyey oo aan laga tallaabsan;
3. Uma bannaana qofna in uu xaaraantinimeeyo waxaan sharcigu caddayn;
4. Wax kasta markooda hore wey bannaan yihiin ilaa laga helo qodob lagu xaaraantinimeeyo oo sharciga ku cad.

Marka yaan loo qaadan in xoolaha oo dhan laga saahidaayo, maxaa yeelay, haddii sidaa la yeelo, waxaa dayacmaya waajibaadkii Ilaahay amray in lagu bixiyo xoolaha sida sakada, sadaqada, xajka, jihaadka iyo badbaadin muslimiinta laga badbaadiyo dhibaatooyinka arradka, gaajada, cudurrada iwm. Ka saahidda xoolaha dadka, waxaa loola jeedaa inaan qofku noqon mid damca waxa ay dadka kale haystaan oo aanu ka baryin ama ka boobin ama ka dhicin haddii aannu ahayn xaqa uu leeyahay, dadku waxay isku nacaan baryada, marka waxaa loo baahan yahay intii qofku awoodi karo in uu iska dhowro baryada aadamiga, haddii ay arkaan dadku inaad ka deeqtoon tahay oo aanad waxtar ma ahee waxyello u lahayn iyagaa ku jeclaanaya oo kuu soo bandhigaya inay kula yeeshaan xiriir, iskaashi iyo iskaalmeysi.

FAA'IIDADA XADIISKA

1. Qofkii ka dheeraada damaca maalka xaaraanta laga helo Ilaahay baa ka raalli noqonaya;
2. Qofkii banneysta maalka xaaraanta ah, Ilaahay wuu nacaa, uunkiisuna wey nacaan;
3. Waxay dadku kugu jeclaanayaan inaad ka deeqtoontid maalkooda iyo xooggooda, mar-kaasay ku jeclaanayaan.

الحديث الثاني والثلاثون

لا ضر ولا ضرار

عن أبي سعيد بن مالك بن سنان الخدرى — رضى الله عنه — أن رسول الله (ص) قال : (لا ضر ولا ضرار) . حديث حسن رواه ابن ماجه والدارقطني وغيرهما مسندًا . ورواه مالك في الموطا مرسلا عن عمر بن يحيى عن أبيه عن النبي صلى الله عليه وسلم فاسقط أبا سعيد ، وله طرق يقوى بعضها بعضاً .

XADIISKA 32aad MA BANNAANA ADIYADU

Waxaa laga weriyey Abii-Saciid Sacad Binu-Maalik Al-Khudari, Allaha ka raalli noqdee, in uu yiri Rasuulkii Ilaahay (s.c.w.), “Dhib ma jiro adiyad ma jirto”.

Waa xadiis Xasan ah, waxaa weriyey Binu-Majah, Daar-Al-Qudni iyo kuwo kale.

SHARAXA

Xadiiskani waa erayo kooban, laakiin macna xeel dheer ku fadhiya. Wuxuu xaaraantinimeynaya dhammaan noocyada dulmiga, xasaradda, gardarrada, dhaca iyo xad-gudub kasta. Wuxuu leeyahay ma bannaana qof xad-gudub kula kaca qofka kale xoolahiisa, naftiisa iyo sharafkiisa intaba.

Qofka muslinka ah, waa kii nabadgelyo laga helo carrabkiisa, iyo gacantiisaba, xataa haddii la dulmo waa inaan ku xad-gudbin difaaca iyo iska celinta dulmiga.

FAA'IIDADA XADIISKA

Noocyada dulmiga oo dhan in ay xaaraan yihiin in laga nabadgalo carrabkaaga iyo gacantaada.

الحديث الثالث والثلاثون

البنيّة

عن أبي عباس — رضي الله عنها — أن رسول الله صل الله عليه وسلم قال : (لو يعطى الناس بدعواهم لادعى رجال أموال قوم ودماءهم ، ولكن البنية على المدعى واليدين على من انكر) حديث حسن رواه البهق وغيره هكذا ، وبعضه في الصحيحين .

XADIISKA 33aad AASAASKA DOODDA

Waxaa laga weriyey Cabdullaahi Bin-Cabbaas Allaah ka raalli noqdee, in uu Rasuulkii Ilaahay yiri (s.c.w.) : "Haddii dadka la siin lahaa waxay u dacwoodaanba rag baa sheegan lahaa xoolaha dadka iyo dhiggooda, laakiin, caddeyntu waa waajibka dacwadaha, dhaartuna waa waajibka dacweysanaha.

Waa xadiis Xasan ah, waxaa weriyey Beyxaqi iyo kuwo kale.

S H A R A X A

Xadiiskani wuxuu inoo sheegay aasaaska qanuuniga ah ee ay ku socdaan dacwooyinka maxkamadaha la horkeeno, waana saldhig sharci ah oo dunida oo dhammi isku raacsan tahay. Wuxuu xadiisku sheegay inaan qofna la siineyn waxa uu qofka kale ku sheeganayo, isagoon caddeysan, haddiise la siin lahaa qofku waxa uu sheegto caddeyn la'aan, waxaa dhici lahaa in qof kastaa xolo qof kale sheegto oo uu yiraahdo ha la iiga qaado. Marka waxaa loo shardiyay qofkii xaq sheeganaya in uu caddeysto ama la yimaado xujo u sugeysa in xaqaa isaga ah laga qabo, ha noqoto xujadaasi marag, warqad iyo waxyaalo kaleba.

Qofka xaqaa lagu sheeganaayo isaga lagama rabo caddeyn inaanu xaqaa qabin, ee waxaa laga rabaa in uu ka dhaarto inaanu xaqaa lagu sheeganayaa qabin, had-dii dhinaca kale caddeyn laga waayo.

FAA'IIDADA XADIISKA

1. Inaan qofna la siin xaqaa uu u dacwoonayo, had-dii aannu u sugnaanin;
2. Dacwadaha waxaa korkiisa ah caddeyn;
3. Dacweysanaha waxaa korkiisa ah dhaar;
4. Inaan qofka waxba qabin ilaa lagu sugo xaqaa lagu sheegtay;
5. Garsooruuhu waa in uu raaco mabda'aa isaga ah markuu dacwad qaadaayo.

الحديث الرابع والثلاثون النهي عن المنكر

عن أبي سعيد الخدري — رضي الله عنه — قال : سمعت رسول الله صل الله عليه وسلم يقول : (من رأى منكم منكرا فليغير بيده فان لم يستطع فبلسانه ، فان لم يستطع فقليله ، وذلك أضعف الإيمان) . رواه مسلم .

XADIISKA 34aad REEBIDDA MUNKARKA

Waxaa laga weriyey Abii-Saciid Al-Qudari, Allaah ka raalli noqdee, in uu yiri, waxaan ka maqlay Rasuulkii Ilaahay (s.c.w.) asagoo leh: "Qofkii arkaa wax munkar ah ha ku reebo gacantiisa, hadduu kari waayo, ha ku reebo carrabkiisa, hadduu kari waayo, ha ka kahdo qalbigiisa, waana ka ugu iimaan daciifsan.

Waxaa weriyey Muslim.

SHARAXA

Xadiiskani waa saldhigga is-hanuuninta iyo dhowridda, iyo badbaadinta xasilloonaanta bulshada iyo nabadgelyadeeda, Qof kasta oo Muslim ah, waxa xil ka saaran yahay ilaalinta sharciga, marka hadduu arko qof sharciga ku xad-gudbaaya waa in uu xilkiisa guto oo aanu u aabo yeelin indhahana ka qabsan, wuxuu qaban karana waa saddex heer.

Kan koowaad waa in uu xumaanta xoog wax kaga qabto. Tusaale ahaan hadduu arko qof dadka dulmaaya oo wax dilaaya ama wax dhacaaya ama wax gubaaya iwm, waxaa waajib ku ah in uu qabto oo uu ka joojiyo dulmiga hadduu awoodi karo. Heerka labaad haddii aanu awoodi karayn in uu gacanta wax kaga qabto waa in uu ku qayliyo ama gaarsiiyo dadka awoodda u leh in ay wax ka qabtaan. Heerka saddexaad haddii uu labadaa midkood kari waayo, waxaa waajib ku ah in uu qalbiga ka kahdo, isagoo ka xun sharciga lagu tuman-aayo oo aanu waxba ka qaban karayn, waxaana lagu tilmaamay in heerka dambe yahay ka ugu daciifsan ee liita.

Haddaba, qofka Muslimka ah, waa in uu ogaado macsiyo kasta oo hortiisa ama gurigiisa ama dukaankiisa lagu falo in waajib ka saaran yahay in uu xumaantaa joojiyo, hadba, sidi u suuragal ah, maxaa yeelay, haddii uu oggolaado xumaantaa hortiisa lagu sameeyey oo sharciga lagu xad-gudbay waxay dhibaato soo gaarsiin doontaa bulshada, waxaana laga yaabaa in dhibaatada ama macsiyadaa uu raalli ka noqday gurigiisa ugu soo gasho, sababtoo ah bulshadu wey isku wada xiran tahay. Haddaba, Muslinka runta ah waa kaa diyaarka u ah la jihaadidda xumaanta iyo qaska ama macsiyada dhammaanteedba, macsiyadu waa ku xad-gudbidda

waxyaalaha sharcigu reebay, wax aallaale wixii sharcigu reebayna waa wax lagu daryeelaayo danaha bulshada, ha noqoto xagga nabadgelyada, xasilloonaanta, iskaashiga iwm.

FAA'IIDADA XADIISKA

1. Qofka Muslinka ah, waxaa waajib ku ah'in uu macsiyada iyo dulmiga baabi'iyo, hadba inta awoodiisu tahay;
2. Qofkii awoodi kari waaya waajibka wax ka qabashada xummaanta waa in uu qalbiga ka inkiro;
3. Haddii aan xumaanta laga hortegin dhibaatadu waxay soo gaaraysaa bulshada inteeda kale.

الحديث الخامس والثلاثون

آداب اجتماعية

عن أبي هريرة - رضي الله عنه - قال : قال رسول الله صلى الله عليه وسلم : (لا تحسدوا ، ولا تناجشوا ، ولا تدابرموا ، ولا بيع بعضكم على بيع بعض ، وكونوا عباد الله أخوانا ، المسلم أخوه المسلم لا يظلمه ولا يخذل له ولا يكذبه ، ولا يحقره ، التقوى هنا ، ويشير إلى صدره ثلاث مرات ، بحسب امرى من الشر أن يحقر أخاه المسلم كل المسلم على المسلم حرام : دمه وماله وعرضه) رواه مسلم .

XADIISKA 35aad IS-XAQ-DHOWRIDDA XUBNAHA BULSHADA

Waxaa laga weriyey Abii-Hureyra, Allaha ka raalli noqdee, in uu Rasuulkii Ilaahay yiri: "Ha is-xaasidina, ha isku fallisina badeecadda idinkoo uga dan leh in qof kale

lagu qaaliyeeyo sicir, ama hoos looga dhigo qiimaha, ha isu caroonina, ha isu dhabar jeedinina, badeecad qof baayacayo ha ka hor baayicina. Noqda walaalo Muslim ah, Muslinkuna qofka Muslimka ah ma dulmo, ma hoojiyo, ma beeniyo, ma quursado. Taqwadu waa halkaan isagoo gacanta saaray laabtiisa saddex jeer. Waxaa shar ugu filan qofka in uu quursado ama yaso walaalkiisa Muslimka ah, qof kasta oo Muslim ah, waxaa ka xaaraan ah dhiigga Muslimka xoolihiisa iyo sharafkiisa”.

Waxaa weriyey Muslim

S H A R A X A

Xadiiskani wuxuu ka hadlayaa ka hortegidda waxyaalaha dadka kala geeya ee isku dira, waxaanu xaaraantinimeeyey sagaal (9) arrimood oo ka mid ah waxyaalaha dadku isku naco ee kala fogeeya:

1. Waa xaasidnimada oo ah inaad kahato ama ka xumaato waxa qofka kale u kordha oo kheyr ah, waana dabeeecad aad u xun, maxaa yeelay, qofkii isagoon waxba la yeelin, waxba laga dhimin xaqiisii ayuu ka xun yahay kheyr Eebbe qof kale ku galladaystay, markaa xaasidnimada waa jirrooyinka aad u kala fogeeya dadka;
2. Arrinka labaad waa fallisaad badeecad uu qof loogu daneynayo in qiimaha la kordhiyo ama looga yareeyo, tusaale ahaan, wuxuu ku kordinayaa alaab la naadinaayo qiimaha isagoon iibsanayn ee doonaya in qiumuhu u korodho qofka alaabta iska leh;
3. Waa carada. Iyaduna waa waxyaalaha dadka isku dira, maxaa yeelay, laba qof oo isu careyan waxba wada qabsan maayaan marka waa in carada laga xoroobo, haddii la caroodana waa in laga soo noqdo oo aan qalbiga lagu haysan;

4. Waa inaan dhabarka leysu duwin oo aan la kala jeesan, marka laba qof oo caloosha wax isugu haya iska hor-yimaadaan, isma arki karaan, wejigana isma siin karaan, markaasay kala jeestaan, haddey iska hor-yimaadaan, marka laba qof oo aan is-arki karayn siday wax u wada qabsan karaan?

Xadiis kale, wuxuu Nebiga (s.c.w.) ku sheegay inaanay bannaaneyn in laba qof oo Muslim ah saddex beri wax ka badan dudmo ku kala maqnaadaan, waxaana kheyr roon labadooda midka salaanta ku hor billaaba kan kale.

Sida runta ah kaasaa geesisan oo ka dadnimo roon, maxaa yeelay, waa nin naftiisa uur-xumadu ka buuxday ka adkaaday oo ka gudbay derbigii sharka ahaa ee sheydaanku ku kala ooday labada qof ee walaalaha ah.

5. Inaan qaarkiin qaarka kale ka kor iibsan badeecadda. Tusaale ahaan, wuxuu u imaanya laba qof oo wax kala iibsanaya, markaasuu mid u il-jibinayaa ama hoos kala hadlayaa, isago leh, anigaa intaa ka badan kaaga iibsanaya, ama anigaa intaa in ka jaban kugu siinaaya iwm., haddaba, xaaladdu siday tahay;
6. Arrinka lixaad waa dulmiga, umana bannaana qof muslim ah in uu kula kaco gardarro iyo xasarad walaalkii;
7. Muslinku ma hoojiyo walaalkii markuu arko isago ciriiri ku jira waa in uu gacan ku siiyo siduu uga bixi lahaa, ma aha in uu ku ceebeeyo ama ku wiirsado. Marka hadduu la kulmo qof Muslim ah oo cadow gacanta ugu jira waa in uu ka furto,

- haddii awooddiiisu gaarsiiso nooc kastaba ha noqdee cadowgaas: Cadow gaal ah, cadow gaaja ah, cadow jirro ah, cadow jahli ah, cadow deyn ah iwm.
8. Arrinka siddeedaad waa inaanu beeneyn. Qofka muslimka ah uma bannaana in uu ku dhaho qofka kale been baad sheegeysaa ama beenaale ayaad tahay, maxaa yeelay, qofka aad sidaa ula hadashid waa coloobeysaan, taasina waa wax islaanku la dagaallamayo marka ma bannaana ficiil dadka muslimiinta ah cadaawo dhex dhigaya;
 9. Arrinka sagaalaad waa is-quursiga ama is-yasidda. Qofna uma bannaana in uu walaalkii quursado, maxaa yeelay, qofkaad quursatid waa qof aad iska sarreysiisid, waxaana laga yaabaa inaad waxoogaa ka xoolo roon tahay ama aad ka aqoon badan tahay, laakiin, ogow Ilaahii ku siiyey adiga waxaan walaalkaa hay-san, waa yeeli karaa in uu isku kiin beddelo, ama wax ka khayr roon waxa aad ku faaneyso in isagana la siiyo. Marka is-quursigu waa jir-rooyinka ugu daran ee dadka isku dira, sabab-to ah haddii qofku dareemo inaad iska sarreysiinayso, wuxuu kuu qaadayaa cadawnimo, waxaanu ku dadaalayaa siduu kuu boqno goyn lahaa. Waxaa lagu caddeeyey xadiiskan haddii qofku aanu dembi kale lahayn oon quursiga dadka ahayn waa ugu filan yahay ciqaab.

Wuxuu Nebiga (s.c.w.), amray in ay dadku noqdaan addoomo Ilaahay oo walaalo ah. Wuxuu Nebigu tilmaamay in arrimaha laga xaaraantinimeeyey muslinka ay qalbiga madoobeeyaan marka waa in qalbiga laga saafi yeelo arrimahaas foosha xun.

Wuxuu yiri Nebiga (s.c.w.), Taqwado waa halkaan, isagoo saddex jeer farta ku fiiqay laabtiisa, marka saldhigga laga dhowraayo fulinta sharciga waa qalbiga, horayna waxaa innagu soo maray in haddii qalbigu hagaago jirka intiisa kalena hagaageyso.

Ugu dambeystii waxaa laga xaaraantinimeeyey qof kasta oo muslim ah in uu daadiyo dhiig muslim ama dhaco xoolo muslim ama ku xad-gudbo sharafta qofka muslimka ah.

FAA'IIDADA XADIISKA

1. Wuxuu reebay wax allaale wixii kala geynaya ama isku diraya xubnaha bulshada;
2. Wuxuu reebay in laysku haweeyo badeecadda, iyadoo loogu danaynayo qof kale;
3. Waxaa la xaaraantinimeeyey kala jeedsiga iyo isu dhabar jeedinta;
4. Waxaa la reebay in badeecadda la iska hor iibsado;
5. Waxaa la reebay dulmiga dhammaantiis;
6. Waxaa la reebay is-hoojinta marka qofku ciririiga ka jiro;
7. Ma bannaana in lagu yiraahdo qof muslim ah been baad sheegtay;
8. Waxaa la reebay carada;
9. Waxaa la reebay is-quursiga;
10. Waxaa la xaaraantinimeeyey dhiigga Islaamka, koolihiisa, iyo sharaftiisa;
11. Waxaanu amray Nebigu in aadamigu walaalo isu noqdaan oo leys xaq-dhowro;

12. Sida Islaamka ugu dadaalaayo daryeelidda iyo iskaashiga bulshada.

الحديث السادس والثلاثون

عن أبي هريرة – رضي الله عنه – عن النبي صل الله عليه وسلم قال : من نفس عن مومن كربة من كرب الدنيا نفس الله عنه كربة من كرب يوم القيمة ، ومن يسر على ميسر يسر الله عليه في الدنيا والآخرة ، ومن سلك طريقاً يلتمس فيه علماً سهل الله له به طريقاً إلى الجنة . وما اجتمع قوم في بيت من بيوت الله يتلون كتاب الله ويتدارسونه بينهم إلا تزلت عليهم السكينة ، وغشيتهم الرحمة ، وحفتهم الملائكة ، وذكرهم الله فيمن عنده ، ومن بطاً به عمله لم يسع به نسبه) . رواه مسلم بهذا اللفظ .

**XADIISKA 36aad
BADBAADINTA BULSHADA**

Waxaa laga weriyey Abii-Hureyra, Allaha ka raalli noqdee, in uu Nebiga (s.c.w.), yiri: "Qofkii ka feyda qof muumin ah kurbo ka mid ah kurbadaha dunida, isagana Ilaahay baa ka feyda kurbo ka mid ah kuwa qiyaamaha, qofkii u xoolo gooya qof sabool ah, isagana Ilaahay baa u xoolo gooya ifka iyo aakhiraba, qofkii u xil qariya qof muslim ah, isagana Ilaahay baa ceebihiisa astura if iyo aakhiraba, qofkii jid mara isagoo cilmi doonaya Ilaahay baa u fududeeya jidka Jannada loo maro, Ilaahay wuu u gargaaraa addoomadiisa inta qofku u gargaaray walaalihiisa, haddii ay jamaaca ku kulanto guri ka mid ah guryaha Ilaahay iyagoo akhrisanaya Qur'aanka oo is-baraya, waxaa ku soo degeysa xasilloonaan, waxaa dabooleysa naxariis Ilaahay, Malaa'iktuna way la safanaysaa, Ilaahayna wuxuu ku xusayaa khalqiga agtiisa jooga. Qofkii camalkiisu reebo nasabkiisu meel marin maayo.

Waxaa weriyey Muslim

S H A R A X A

Xadiiskani wuxuu ku dhow yahay kii aynu soo dhaafnay, sababtoo ah labaduba waxay ka hadlayaan daryeelka bulshada Islaamka ah, kii hore wuxuu ku saabsanaa ka hortegidda waxyaalaha xubnaha bulshada kala geynaaya, kanna wuxuu ku saabsan yahay marka xubin ka mid ah bulshada dhibaato qabsato sidi wax loola qaban lahaa.

Wuxuu soo qaatay xadiiskan saddex xaalo haddii ay qof qabsadaan in uu u baahan yahay in la caawiyo:

1. Waa dhibaato kurbo iyo laxaw ku abuurtay qofka muslinka ah, wax kastaba ha noqoteedhibaatadaasi, sida jirrooyinka uu u tabar waayay, xagga qoyska, shaqada iwm, marka Ilaahay wuxuu u ballanqaaday qofka dhibaatadaa ka saara qof muslim ah, in isagana Ilaahay ka saari doono dhibaatooyinka kulul maalinta qiyaamaha. Haddaba, qofkii isagoo cudur qaad-qaadayo irbad lagu duro ee ku bogsada, kurbaa laga feyday, waxaana iska leh abaalkaas takhtarkii cudurka gartay, kii daawada sameeyey iyo kii bixiyey kharajka lagu sameeyey, sidoo kale qofkii hanuuniya qof baadi ah ee ku toosiya jidka xaqaa ah;
2. Xaaladda labaad waa qofka dhibaato ka hay-sato xagga dhaqaalaha ee saboolka ah, waxaa Ilaahay u ballanqaaday qofkii ciriiriga ka saara in isagana Ilaahay ka saari doono ciriiriga ifka iyo mid aakhiraba, waxaana jira inaan ciriiriga laga bixiyo looga jeedin keli ah in qofka baahan la quudiyo, waxa looga jeedaa in laga kaalmeeyo siduu ciriiriga uga bixi lahaa oo uu lugihiiisa isugu taagi lahaa. Tusaale ahaan, waxaa la bari karaa xirfad ama cilmi uu ku shaqaysto,

waxaa loo samayn karaa mashruuc uu ka shaqeeyo iwm;

3. Xaaladda saddexaad waa qofka Muslimka ah ee aad ku aragtid ceebo uu leeyahay oo aanu jeclayn in lagu ogaado, marka qofkii ceeb Muslim ogaaday ee qariyay, waxaa Ilaahay u ballanqaaday in isagana loo qarin doono ceeb-ihisa if iyo aakhiraba, laakiin, ceebaha la qarinaayo kuma jiraan kuwa xuquuqda dadka kale ku dayacmeyso, matalan qofkii ku xadgudbaya xolo ama sharaf dad kale inaad qariso ma aha, gaar ahaan, haddii marag laguu qabsado, waxaana caddaynaya aayado iyo axaadiis kale inaan waxyaalaha ceynkaas ah qofka loogu ceeb qarinaynin.

Haddaba, wuxuu xadiiskani ku hanuuniyey Muslimka hubka uu kaga bixi karo dhibaatooyinka dhammaantood, hubkaas oo ah cilmiga, waxaanu ugu baaqay qofkii cilmiga barashadiisa isku shuqliya in Ilaahay u fududeynaayo jidka Jannada loo marayo, marka faa'iidada cilmigu kuma koobna dunida aynu ku nool nahay iyo danaha aan ku gaareyno maantadan la joogo ee aakhirana waxaad heleysaa Jannadii Ilaahay.

Cilmigu sida ka muuqata xadiiskan kuma koobna cilmiga diiniga ah ee wuxuu caan ku yahay cilmi kasta oo qofka kurbada lagaga saari karo ama gaajada lagaga bixin karo ama cadawga laga badbaadin karo ama wax kheyr ah muslimiinta loogu faa'iideyn karo.

Haddana wuxuu xadiisku sheegay abaalgud weyn in la siin doono qofka walaalkii mar kastaba caawiya, kaasoo ah in gargaarka Ilaahay la jiri doono muddada uu gargaarka walaalkii wado, ugu dambeyn wuxuu xadiisku sheegay abaal-gudka ay leeyihiin dadka meel ku

wada kulma iyagoo akhrisanaaya oo baranaya kitaabka Ilaahay, waxa loogu abaal-gudayaa xasilloonaan iyo naxariis Eebbahay lagu soo dejinaayo, Malaa'iktuna hareerahooda fariisanayaan, Ilaahayna ku ammaani doono Malaa'ikta agtiisa ku sugaran.

Wuxuu ku khatimay xadiisku aasaaska dadka lagu kala sooco marka la abaal-marinaayo oo ah qof kasta camalkiisa, nasabkiisa, qabiilkiisa iyo xoolahiisa lagu dari maayo xisaabta, sababtoo ah, Ilaahay dadka uma kala dhowa mana kala xigaan dhammaantood waa addoomadiisa, waxaana lagu kala bixinayaa abaalgudkooda qof kasta wuxuu shaqaystay. Qofkii camal xun la yimid waxba nasabkiisu u tari maayo.

FAA'IIDADA XADIISKA

1. Abaalgudka uu leeyahay qofkii muslim dhibaato ka saara;
2. Ceebaha dadka in la asturo;
3. Faa'iidada waxbarashada;
4. Faa'iidada kulanka lagu baranaayo kitaabka Ilaahay;
5. Qiimaha dadka lagu abaalmarinaayo waa camalkiisa, qabiilkiisa qof la weydiin maayo;
6. Abaalgudka loo ballanqaaday qofkii qof muslim ah dhibaatooyinka ka saara.

الحادي السابع والثلاثون

كلام الله

عن أبي العباس – رضي الله عنه – عن رسول الله صلى الله عليه وسلم فيما يرويه عن ربه تبارك وتعالى قال : (أن الله كتب الحسنات والسيئات ، ثم بين ذلك ، فن هم بحسنة فلم يعملها كتبها الله عنده حسنة كاملة ، وأن هم بها فعملها كتبها الله عنه عشر حسنات إلى سبعمائة ضعف إلى اضعاف كثيرة و وأن هم بسيئة فلم يعملها كتبها الله عنده حسنة كاملة ، وأن هم بها فعملها كتبها الله سيئة واحدة) رواه البخاري ومسلم في صحيحهما بهذه الحروف .
فانظري يا أختي وقفتنا الله وأياك إلى عظيم لطف الله تعالى وتأمل هذه الالفاظ ، وقوله (عنه) اشارة إلى الاعتناء بها و قوله (كاملة) للتأكد وشدة الاعتناء بها ، وقال في السيئة التي هم بها ثم تركها : (كتبها الله عنده حسنة كاملة) فأكدها بكلامه) وأن عملها كتبها سيئة واحدة) فأكدها تقليلها بواحدة ولم يؤكدها بكلامه فالله الحمد والمنة سبحانه لا نخفي ثناء عليه ، وبالله التوفيق .

XADIISKA 37aad DEEQSINIMADA ILAAHAY

Waxaa laga weriyey Cabdullaahi Binu-Cabbaas, Allaah ka raalli noqdee, in uu ka weriyey Rasuulkii Ilaahay in uu yiri: "Wuxuu Ilaahay yiri: Ilaahay baa qoray xumaanta iyo samaantaba, kaddibna wuu kala caddeeyey, marka qofkii isku daya in uu samaan falo oo aan falin, waxaa loo qorayaa Ilaahay agtiisa samaan dhan. Qofkii isku daya in uu samaan falo ee fala, waxaa looga qorayaa Ilaahay agtiisa 10 xasano ilaa 700 jibbaar iyo wax ka sii badan. Qofkii isku daya in uu xumaan sameeyo ee aan falin, waxaa looga qorayaa Ilaahay agtiisa hal axsaan oo dhan, hadduu isku dayo oo uu falo waxaa loo qorayaa hal dembi keli ah".

Waxaa weriyey Bukhaari iyo Muslim

Fiiro uu qoray mua'llifka kitaabka

Bal fiiri walaalow Ilaahay xaqa ha ina waafajiyee, naxariistiisa weynanteeda, u fiirso erayadaas (agtiisa) waa tilmaan sida Ilaahay u daryeelaayo dadkiisa, ereyga (dhan) waa adkeyn iyo daryeelid xoog leh. Wuxuu yiri, xumaanta qofkii isku daya ee ka joogsada waxaa loo qorayaa xasano dhan, waxaa lagu adkeeyey ereyga dhan, haddii uu falo xumaantii waxaa loo qoray (hal) xumaan oo keli ah, waxaa lagu adkeeyey yaraanteeda hal ee laguma adkeyn (dhan) sida xasanada. Ilaahay baa mahad leh, ceebna ka fog, mana koobi karno ammaantiisa.

S H A R A X A

Waxaa jira in Ilaahay ku abuuray dunida xumaan iyo samaanba, isla markaana kala caddeeyey mid kasta jidka loo maro, dadkana awood u siiyey in ay kala doortaan labadaa jid qofba kuu rabo, haddana, loo caddeeyey qof kasta jidka uu maro abaalgudkiisa oo ah jidka xun in Naar lagu abaalmarinaayo, kan toosanna Janno lagu mutaysanaayo, marka xadiiskani arrintaasu si fiican ayuu inoogu caddeeyey.

Wuxuu caddeeyey siduu Ilaahay addoomihiisa ugu roon yahay, wixii wanaag ah waa toban jibbaar ama in ka badan, wixii xumaan ah ee inta leysku dayo laga joog-sado waxaa loogu abaal-guday wanaag, iyadoo ka joog-siga xumaanta lagu geesinnimo gelinaayo, loona fududeynaayo in uu jidka wanaagsan raaco. Xumaantii uu sameeyeyna waxaa loogu abaalmariyey hal ciqaab oo keliya ee lama jibbaarin, sidii wanaagga loo boqollaal jibbaaray.

Marka qofkii garaadlaha ah ee dhiifoon waa in uu ka faa'iideysto nicmada Ilaahay inoogu roonaaday intaan

waqtigu dhaafin oo uu la yimaado camal fiican oo fara badan si loogu boqollaal jibbaaro.

FAA'IIDADA XADIISKA

1. Isku dayga wanaagga waxaa lagu helayaa ajar;
2. Camalka wanaagsan waa kan waxtara, waana kan la boqollaal jibbaarayo;
3. Ka joogsiga dembiga lagu fekeray ee aan la falin, waxaa lagu helaayaa ajar;
4. Deeqda Ilaahay oo aan xad lahayn;
5. In lagaga daydo Ilaahay sida dadka loogu abaalgudo, oo qofkii wanaag fala uu helo abaal-gud wanaagsan, qofkii xumaan ku kacana lagu abaalmariyo in xumaantiisa wax ku eg oon lagu xad-gudbin, haddii aan layska cafinba si loogu geesinimo geliyo in uu ka noqdo jidka qalloocan oo uu ku soo darsamo dadka toosan.

الحديث الثامن والثلاثون

غضب الله ورضاه

عن أبي هريرة — رضى الله عنه — قال : قال رسول الله (ص) : (أن الله تعالى قال : من عادى لي ولها فقد أذنته بالحرب و وما تقرب إلى عبدي بشيء أحب إلى ما افترضته عليه ، ولا يزال عبدي يتقارب إلى التناول حتى أحبه فإذا أحببته كنت سمعه الذي يسمع به وبصره الذي يبصر به و يده التي يبطش ورجله التي يشي بها ، ولئن سأله لأعطيته ، ولئن استعاذني لأعذنه) رواه البخاري .

XADIISKA 38aad

QOFKA COLAADIYA AWLIYADA ILAAHAY

Waxaa laga weriyey Abii-Hureyra, Allaha ka raalli noqddee, in uu yiri Rasuulkii Ilaahay wuxuu yiri: "Ilaahay

baa yiri qofkii colaadiya weligeyga ha u darbado dagaal. Waxa addoonkeygu iigu soo dhowaado, waxaan ugu jecelahay wixii aan ku waajib yeelay, hase yeeshi, waa kii iigu soo dhowaada waxyaalahaa sunnada xataa aan ka jeclaado, haddii aan jeclaado waxaan u noqonayaadhegaha uu wax ku maqlo, indhaha uu wax ku arko, gacanta uu wax ku qabsado iyo lugaha uu ku socdo, haddii uu wax i warsado waan siinayaa, haddii uu i magan-galo waan megen-gelinayaa".

Waxaa weriyey Bukhaari

S H A R A X A

Xadiiskani wuxuu ka hadlayaa dhowr arrimood oo kala ah: Sida Ilaahay ugu hiillinaayo Awliyadiisa, waxyaalahaa Ilaahay loogu dhowaanayo, iyo kuwa uu kugu jeelaanayo, qofka guta waajibka iyo sunnada sida Ilaahay ugu gargaarayo.

Wuxuu xadiisku caddeeyey qofkii colaadiya qof Ilaahay weli u yahay in Ilaahay la dagaallamaayo. Marka qofkii u bareera dagaalka Ilaahay isagaa yaqaanna siduu isaga dhicinaayo. Dadka Ilaahay weliga u yahay waa muuminiinta dhabta ah, sida ay caddaysay aayada 258 ee Al-Bakhra oo leh: (Ilaahay baa weli u ah dadka isaga rumeeeyey), waxa kale oo uu sheegay xadiisku in wax Ilaahay loogu dhowaado uu ugu jecel yahay in la fuliyo wixii uu faray. Weliba addoonka fiican waa kii ugu dhowaada Rabbigiisa camalka sunnada ah, si uu Ilaahay u jeclaado.

Qofkii Ilaahay jeclaado wuxuu u noqonayaan indho, dhego, gacmo iyo lugo. Qofkii Ilaahay sidaa u noqdana dhegahiisa waxaan Ilaahay raalli ka ahayn ku maqli maayo, indhihiisuna ku dhici maayaan waxaan khayr ahayn, gacantiisana ku fidin maayo waxaan wanaag ahayn, lugihisana ugu tallaabsan maayo meel aan khayr ku jirin, macnaha laxaadkiisa waxaan camal khayr ahayn ku qaban maayo, kaasoo ah wax isaga ama musliminta kale wax u taraaya oo dheef u soo jiidaaya ama dhib kaga saaraya ama camal kale oo wax u taraaya.

Qofkii xaalkiisu sidaa noqdo wuxuu Ilaahay ka baryo wuu helayaa haddii Ilaahay uu magan-galo wax kasta oo jira oo xumaan ah waa ka megen-gelinayaa, qofkii Ilaahay magen-geliyana wuxuu ku jiraa guri amaan ah, cid kale ee uu ka baqayana ma jirto. Marka wax xumaan ah ama dhibaato ah la kulmi maayo qofkii ku guuleysta imtixaanka adag ee ah in la fuliyo faradka Ilaahay iyo sunnayaasha.

FAA'IIDADA XADIISKA

1. Qofka muuminka colaadiya ciqaabta uu mudanaayo;
2. Wuxuu Ilaahay loogu dhowaado waxa uu fadli badan waajibaadka sida soonka, salaadda, xajka iwm;
3. Qofkii waajibaadka guta, sunnadana ku dara sida Ilaahay ugu gargaarayo;
4. Qofkii daacad badan sida Ilaahay ducadiisa u aqbalaayo.

الحديث التاسع والثلاثون

ما لا اثم فيه

عن أبي عباس — رضي الله عنها — أن رسول الله صلى الله عليه وسلم قال : (أن الله تجاوز لى عن أمتي الخطأ والنسيان وما استكرهوا عليه) حديث حسن ، رواه ابن ماجه والبيهقي وغيرهما .

XADIISKA 39aad XAALADAH AAN QOKFA LOO QABANAYN DEMBIGA UU FALO

Waxaa laga weriyey Cabdullaahi Bin-Cabbaas, Allaah ka raalli noqdee, in uu yiri Rasuulkii Ilaahay (s.c.w.): "Ilaahay wuu ka dhaafay ummadiisa gafafka hilmaanka iyo waxa lagu qasbay".

Waa xadiis Xasan ah, waxaa weriyey Ibnu Maajih Bey Xaqi iyo kuwo kale.

S H A R A X A

Qofka dembiga lagu ciqaabayo waa in uu qaan-gaar yahay oo caqligiisa qabo, oo uu kas iyo maag u falo, dembiga ama waajib uu ka tago. Haddiise saddex arri-mood midkood ku dhacdo loo qaban maayo dembigii:

1. Haddii si kama ah oo aan ula-kac lahayn uu dembiga ku galoo;
2. Haddii isagoo hilmaansan in falkaasi dembi yahay uu dembiga galoo;
3. Haddii lagu qasbo in uu dembiga falo.

Saddexdaa xaalo midna lagu ciqaabi maayo qofka dembiga uu la yimaado amase waa laga cafinayaa.

Marka waxaan ka garan karnaa halkaas in qofka dembiga lagu ciqaabayaa yahay midka uu qofku awood iyo karti u leeyahay kas iyo ogaalna u galoo.

FAA'IIDADA XADIISKA

1. Xaaladaha aan lagu ciqaabeyn qofka dembiga uu galo;
2. Qofku wuxuu ku qaadayaa mas'uuliyadda waa caqligisa;
3. Wuxuu ka mid ah xaaladaha aan qofka loo ciqaabin dembigiisa waallida, carruurnimada iyo xaalad kasta oo qofka caqligu kaga maqan yahay sababo awooddiiisa ka baxsan, haddiise uu caqliga iska suuliyo ikhtiyaarkiisa dembigii kama dhacaayo.

الحديث الرابع—ون

قصر الأمل

عن ابن عمر – رضي الله عنها – قال : أخذ رسول الله صلى الله عليه وسلم منكبي فقال : (كن في الدنيا كأنك غريب أو عابر سبيل . وكان ابن عمر . رضي الله عنها – يقول : اذا أمسيت فلا تنتظر الصباح ، واذا أصبحت فلا تنتظر المساء ، وخذ من صحتك لمرض ، ومن حياتك لموتك) رواه البخارى

XADIISKA 40aad INAAN LAYSKU HILMAAMIN DUNIDA

Waxaa laga weriyey Cabdullaahi Ibnu-Cumar, Allaha ka raalli noqdee, in uu yiri Rasuulkii Ilaahay ayaa garabka iga qabtay oo yiri: "Ku ahaw dunida sidii nin marti ah ama socoto ah. Cabdullaahi Ibnu-Cumar, wuxuu dhihi jirey haddii aad galbaysato ha sugin waaberiga, haddii aad waabariisato ha sugin galabnimada, intaad fayowdahay u sahay-qaadodudurka, intaad nooshahay wax u hormarso dhimashada.

Waxaa weriyey Bukhaari

SAHARA XA

Waxaa jira in qof kasta oo ku nool dunida og yahay in uu ka tegi doono, laakiin, qofna ma oga waqtiga uu ka tegayo, waxa kale oo jira in qofka muslinka ah og yahay in dunidu tahay beerta aakhiero, qofkuna goosan doono wuxuu beertaa ku abuurtay.

Haddaba, xadiiskani wuxuu innagu baraaru jinaya inaan maalinta aan joogno wixii aan qabsan karno aan fulinno oo aynaan dib u dhigin, sababtoo ah ma hubtid inaad berri gaari doonto. Marka qofkii lagu yiraahdo berri shaqo laguuma hayo ee maanta waxaad shaqaysato ayaad berri ku noolaanaysaa, waxaa hubaal ah in uu shaqada laban laabi lahaa.

Haddaba, xadiiskani wuxuu innagu baraaru jinaya in aynaan waqtii iska lumin ee ilbiriqsi kasta ka faa'iideysanno waqtigeenna qaaliga ah, kuna tebinno falal wax inoo tara if iyo aakhiraba, waxaannu innooga digay inaan dib u dhigno ficiil aan maanta fulin karno.

Tusaale ahaan intaad is-tiraahdo berri ayaad towbad keeni doontaa, berri ayaad salaad billaabi doontaa, berri ayaad wax sadaqaysan doontaa, berri ayaad aasaasi doontaa masaajid, dugsi, warshad ama wax kale oo bulshada wax u taraya. Marka wuxuu xadiisku ina faraya haddii aad subax joogtid lama hubo inaad galabta gaareysid, haddaad galab joogtid lama hubo inaad waabariisanayso, marka ficiilka kheyrka ah ee maanta aad qaban karto dib ha u dhigin.

Haddii kale wuxuu sheegay inaan qofku seexannin ilaa dardaarankiisu barkinta ugu hoos jiro, sababtoo ah haddii aadan sidaa yeelin oo tii Alle kuu timaado lama garan karo xaqa laguugu leeyahay iyo kan kaa maqan midna. Xadiis kale wuxuu ahaa haddii adigoo tallaalaya

geed timir ah saacaddu kacdo oo aad ka gaarsiin karto tallaalka geedkaas tallaal, maxaa yeelay, ficolkaa aad gacanta ku hayso laftiisa ayaa lagaa ajir siinayaa. Cabdullaahi Ibnu-Cumar, wuxuu dadka ku waani jirey in ay camal fashaan intay fayow yihiin iyo in ay wax wanaagsan u hormarsadaan aakhiro intay nolosha ifka ku raaxaysanayaan.

FAA'IIDADA XADIISKA

1. Inaan leysku halleyn adduunyada;
2. In fayoobida looga faa'iideysto jirrada;
3. In aakhiro loo hormarsado wax ku anfaca;
4. In lagu degdego towbadda oo aan dib loo dhigin;
5. In saacad kasta loo diyaar-garoobo dhimashada;
6. Inaan waqtiga hal ilbiriqsi leyska dhumin oo looga faa'iideysto in la qabsado wax ku anfaaaya if iyo aakhiraba.

الحادي والاربعون

هوى المؤمن

عن أبي محمد بن عمر بن العاص - رضى الله عنها - قال : قال رسول الله صلى الله عليه وسلم لا يؤمن أحدكم حتى يكون هواه تبعا لما جئت به (الحديث حسن صحيح) رويناه في كتاب الحجة بساند صحيح .

XADIISKA 41aad HAWADA MUUMINKA

Waxaa laga weriyey Cabdillaahi Binu-Cumar Binu-Caas, Allaha ka raalli noqdee, Raasuulkii Ilaahay (s.c.w.)

wuxuu yiri: "Qofkiin ma rumeeyo (Diinta), xataa hawadiisu raacdo wixii aan la imid".

Waa xadiis Xasan ah, saxiix ah, waxaa lagu weriyey Kitaabka Xujada.

S H A R A X A

Xadiiskani wuxuu aasaas u yahay ku dhaqanka Islaamka runta ah. Qof kasta wuu iska sheegan karaa Islaannimada, laakiin, waxaa lagu kala soocayaa marka la yiraahdo ha lagu dhaqmo. Muslinka runta ah, wuxuu jecel yahay uu ku farxayaa in uu raaco wuxuu Nebiga la yimid oo ah Qur'aanka iyo Xadiiska, marka qofkii aan qalbiga u furin ee aan ku kalsoonaan ma aha muslim quman oo dhab ah.

Haddaba, naftaada la xisaabtan in hawadu raacsan tahay wixii Nebigu (s.c.w.) la yimid iyo in kale, waxaana jira astaan aad isku garan karto oo ah marka adigoo ku kacaaya ficol, ha ahaado mid xun ama mid aad ula niyesato cibaado ee lagu yiraahdo arrinkan sidaa ah Nebigu wuu reebay ama sidaa uguma dhaqmi jirin, maxaad iska dareemaysaa?

Haddii hawadaadu raacsan tahay wuxuu Nebiga la yimid, halkaasaad ku joogsanaysaa markaasaad hubsanaysaa wuxuu Nebigu faray ama Qur'aanka faray, haddiise aad tahay nin hawadiisa raacay waad dafiraysaa markaasaad sanka taageysaa oo aad la diriraysaa qofkii kugu baraaruujin lahaa jidkii Rasuulka ama waxaad ku hadlaysaa erayo aan ku habboonayn halkii aad xaqa ka baari lahaydna waad sii baadiyoobaysaa oo aad xaqa ka fogaanaysaa.

Haddaba, ogow haddaad doonaysid inaad noqtid Muslim quman, isku day inaad ficolkaag ku miisaantid wixii Nebi Maxamed (s.c.w.) la yimid Ilaahay ha innagu toosiyo tubtii Rasuulka iyo tii Khulafadii hanuunsanayd.

FAA'IIDADA XADIISKA

1. Qofka Muslimka ah waa in uu waafajiyo camal-kiisa wixii Nebiga la yimid;
2. Waa in lagu dadaalo in la raaco Nabiga ficiikiisa iyo habka uu u dhaqmi jirey;
3. Ka jeedsiga iyo nicidda raacidda Nebiga waa gaalnimo;
4. Muslimka xaqa ah, waa kan ku dayda Nebigiisa iyo asaxaabtiisa waa kaa midka keli ah ee lagu hubo nabadgeleyo iyo qumanaan in Jannada lagu gelaayo.

Waxaan llaahay ka rajaynaynaa in uu ku anfaco Kitaabkan dadka Muslimiinta ah, oo ay ku hanuunsam-aan jidka xaqa ah ee Nebigeennii noogu baaqay, llaah-ayna innaga wada waraabiyo darka Jannada.

TAARIKHDA MU'ALLIFKA KITAABKA

Waxaa qoray Kitaabkan Yaxya Binu-Sharafu-ddiin Binu-Maayi Al-Nawawi. Wuxuu ku dhashay Suuriya beled u dhow Dimishiq oo la yiraahdo Nawawa, 1dii bishii Muxarram sannadkii 631 Hijriga.

Wuxuu allifay kutub badan oo qaarkood dalka Soomaalida looga yaqaanno sida Riyaad Al-Saalixiin, Sharaxa Muslim, Xadiis Al-Arbiciin Al-Nawawi iyo Min-haajka laga cuskado Fiqiga Shaaficiga ee dalka Soom-aalida iyo kutub kale oo aad u fara badan. Wuxuuna dhintay 24kii Rajab sannadkii 676 Hijrada. llaahay naxariistiisa ha ka waraabiyo, innagana cilmigiisa Allaha nagu anfaco.

Wuxuu allifay kutub badan oo qaarkood dalka Soomaalida looga yaqaanno sida Riyaad Al-Saalixiin, Sharaxa Muslim, Xadiis Al-Arbiciin Al-Nawawi iyo Min-haajka laga cuskado Fiqiga Shaaficiga ee dalka Soom-aalida iyo kutub kale oo aad u fara badan. Wuxuuna dhintay 24kii Rajab sannadkii 676 Hijrada. llaahay naxariistiisa ha ka waraabiyo, innagana cilmigiisa Allaha nagu anfaco.